

Mose je agbalẽ atõlia

Mawu de gbe na Israelviwo be woadzo le Horeb

¹ Nya siawo Mose gblɔ na Israelviwo katã le Yɔdan tɔsisi la fe go kemɛ dzi le gbedzi, le Araba balime, le Suf gbɔ le Paran kple Tofel kple Laban kple Hazerot kple Dizahab dome. ² Mɔzɔzɔ tso Horeb to Seir to la ɲu yi Kades Barnea la nye ɲekeke wuidɛke ko fe azɔli.

³ Le ɣleti wuidɛkɛlia fe ɲekeke gbãtɔ gbe le Israelviwo fe mɔzɔzɔ fe blaenelia me la, Mose fo nu na Israelviwo tso se siwo katã Yehowa miafe Mawu de nɛ la ɲu. ⁴ Esia va eme esi Israel du Sixon, Amoritowo fe fia, ame si nɔ Hesbon kple Ɔg, Basan fia, ame si nɔ Astarot la dzi le Edrei vɔ megbe.

⁵ Mose de asi se siawo gbɔgbɔ me na Israelviwo le Yɔdan tɔsisi la fe go kemɛ dzi, le Moabnyigba dzi. Egbɔ na wo be:

⁶ Fe blaene nye esi va yi, esi Yehowa, miafe Mawu la gblɔ na mí le Horeb to la gbɔ be, “Mienɔ afi sia wòdidi. ⁷ Fifa miyi mianɔ Amoritowo fe tonyigba dzi kple Araba fe balime kple Negeb kple Kanaan kple Lebanon fe anyigbawo dzi. Anyigba sia tso Domefu la ɲu va se de Frat tɔsisi la ɲu. ⁸ Metsɔ anyigba sia katã na mi! Miyi edzi, eye miaxɔe, elabena eyae nye

anyigba si ñugbe Yehowa miafe Mawu do na mia togbuiwo, Abraham, Isak kple Yakob kple wofe dzidzimeviwo katã.”

Toawo fe kplolawo tiatia

⁹ Le xe ma xi me la, megblo na ameawo be, “Mehiã kpedenuto! Mienye agba gã ađe nam be nye deka matsɔ, ¹⁰ elabena Yehowa miafe Mawu na miedzi sɔ gbo abe xletiviwo ene! ¹¹ Mawu nagana miadzi de edzi zi akpeakpewo wu, eye wòayra mi abe ale si wòdo ñugbee ene. ¹² Ke nu ka ame deka ate ñu awɔ le miafe dzrenyawo dɔdrɔ kple nukpekeamewo ñuti? ¹³ Eya ta mitia ñutsu ađewo tso to sia to me, ame siwo nye nunyalawo, nugomeselawo kple nutefekpolawo, eye mađo wo miafe kplolawo.”

¹⁴ Ke miedo enu nam be, “Nya si nègblo la nyo be woawo de edzi.”

¹⁵ Metsɔ amegã siwo wotia tso to de sia de me eye wonye ñutsu siwo nye bubumewo, eye tagbo li na wo la do dzikpolawo de mia nu, de ame akpewo, alafawo, blaato wo kple ewowo nu be woadrɔ nyawo, eye woakpe de wo ñu le mo sia mo nu. ¹⁶ Mede se na miafe ɔnudrɔlawo le xe ma xi be, “Midrɔ ɔonu dzodzoe na ame sia ame kple novia kpakple amedzrowo gɔ hã. ¹⁷ Megblo na wo be, ‘Le miafe nyametsotsowo me la, migade ame ađeke dzi le efe hotsuitonyenye ta o. Miwo nu dzodzoe de amegãwo kple ame gbloewo siaa ñu sɔsɔe. Migavɔ na wofe dzikudodo de mia ñu o, elabena Mawu tefee miele ɔonu drɔm do. Mitsɔ nya siwo sesẽ akpa na mi la ve nam, eye

mawo wo nu do.' ¹⁸ Le xe ma xi me la, megblo nu siwo katã wòle be miawo la na mi."

Wodo nkutsalawo da

¹⁹ Míedzo le Horeb to la gbo, eye míezo mo to gbegbe gã dziṅo la dzi. Mlɔeba la, míeva do Amoritowo fe towo gbo, afi si Yehowa, míafe Mawu la do na mí be míayi. Míedo Kades Barnea le Njugbedodonyigba la fe lifo dzi. ²⁰ Megblo na ameawo be, "Yehowa, mía Mawu la tso Amoritowo fe tonyigba sia na mí. ²¹ Miyi miaxe abe ale si wògblo na mí ene. Migavõ o. Migake di gõ hã o."

²² Wogblo be, "Gbã la, mina míado nkutsalawo da ne woanya mo nyuto si dzi míato age de anyigba la dzi kple du gbãto si míaxo."

²³ Esia nye susu nyui aɖe, eya ta meɖo nkutsalawuie da, deka tso to de sia de me. ²⁴ Woto toawo dzi heyi Eskol fe balime. ²⁵ Wotsɔ afi ma fe kutsetse aɖewo gbɔe. Wotsɔ wo ve na mí eye wogblo be, "Míedze sii enumake be anyigba nyui aɖe nɔtɔe Yehowa, míafe Mawu la na mí."

Ameawo dze aglã de Mawu nu

²⁶ Ke ameawo gbe be yewomayi anyigba la dzi o, eya ta wotsi tsitre de Yehowa míafe Mawu fe doɖo nɔti. ²⁷ Wolĩ livĩlivĩ le wofe agbadowo me hegblo be, "Yehowa melõ mí o; ekplo mí tso Egipte be Amoritowo nawu mí. ²⁸ Nu kae le míawo ge? Mía nɔvi nkutsalawo fe dasedidi do nɔdzi na mí. Wobe, 'Anyigba la dzi towo nye ame dzɔatsu sesẽwo, eye gli siwo woɖo fo xlã wofe duwo la ko yi ɖato dziṅgoli! Wokpo ame

dzɔatsu siwo nye Anak fe dzidzimeviwo gɔ̃ hã le afi ma.' ”

²⁹ Ke megblo na wo be, “Migavɔ̃ o! ³⁰ Yehowa Mawue nye miafe kplola eye wòawɔ̃ awa na mí kple efe nukumɔ̃ triakowo abe ale si wòwɔ̃ miekpɔ̃ le Egipte ene. ³¹ Miawo nɔ̃tɔ̃ mienya ale si wòlé be na mí ɣe sia ɣi le gbedzi le afi sia, abe ale si fofó léa be na via ene!”

³² Ke nya siwo megblo la mewɔ̃ dɔ̃ aɖeke ɖe mia dzi o. Miegbe eye miexɔ̃ Yehowa, miafe Mawu la dzi se o, ³³ evɔ̃ wònye eyae kplɔ̃ mi le mɔ̃zɔ̃zɔ̃ blibo la me, tia tefe nyuitowo na mi be miafu asadã anyi ɖo. Ekplɔ̃ mi kple dzo bibi le zã me kple lilikpo dodo le nkeke me.

³⁴ Yehowa se wofe liṽliṽlilil̃, eye wòdo dɔ̃medzoe nɔ̃tɔ̃nɔ̃tɔ̃. Eka atam be, ³⁵ “Ame ɖeka pɛ gɔ̃ hã matso dzidzime ṽɔ̃ɖi ma me, anɔ̃ agbe akpɔ̃ anyigba si nɔ̃gbe yedo na wo fofowo o, ³⁶ negbe Kaleb, Yefune fe viɔ̃utsu ko, elabena Kaleb ya dze Yehowa yome, eya ta axɔ̃ anyigba si dzi wòzɔ̃ la fe akpa aɖe abe efe domenyinu ene.”

³⁷ Yehowa do dɔ̃medzoe ɖe nye gɔ̃ hã nɔ̃ le woawo ta, eye wògblo nam be, “Màde Nɔ̃gbedodonyigba la dzi o! ³⁸ Wò kpedenɔ̃tɔ̃, Yosua, Nun fe viɔ̃utsu akplɔ̃ Israelviwo ɖe tewòfe woade afi ma. De dzi fo nɛ esi wòle dzadzram ɖo hena ameawo kpɔ̃kplɔ̃. ³⁹ Matsɔ̃ anyigba la ana wo vi siwo woawo nɔ̃tɔ̃ wogblo be woaku le gbedzi. ⁴⁰ Ke mi dzidzime xoxo ma me viwo ya la, mitrɔ̃ fifi laa, miagbugbo aɖo ta Fu Dzi la gbo.”

⁴¹ Tete miebu eme be, “Míewo nu v̄o de Yehowa nu. Míayi anyigba la dzi, awo ava de eta abe ale si Yehowa, miafe Mawu la do na mí be míawo ene.” Ale wokpla wofe awawonuwo hebu be yewoadu anyigba blibo la dzi towo dzi boboe.

⁴² Ke Yehowa gblo nam be, “Gblo na wo bena, ‘Miekp̄o ayi awo ava o, elabena nyemano kpli mi o. Miafe futowo adu mia dzi.’”

⁴³ Megbloe na wo, gake womeɔ tom o, ke bonj wogatsi tsitre de Yehowa fe doɔo n̄uti heyi tonyigba la dzi hena awawo. ⁴⁴ Ke Amoritowo, ame siwo no afi ma la kpe ava kpli wo, nya wo de du nu abe anyiwo ene, eye wowu wo tso Seir va se de keke Horma. ⁴⁵ Wotro gbo, eye wofa avi le Yehowa nkume, gake meɔ to wo o. ⁴⁶ Ale wono afi ma, Kades, yeyi didi aɔe.

2

Tsaglalātsatsa le gbedzi

¹ Míetro, gbugbo to gbegbe la heɔ ta Fu Dzĩ la gbo, elabena nenemae Yehowa do nam. Míetsa tsaglalā le Seir to la gbo fe gedewo.

² Ml̄eba la, Yehowa gblo nam be, ³ “Mieno to sia nu w̄odidi. Mitro do ta anyiehe lofo. ⁴ Gblo na ameawo be wole wo noviwo, Edomtowo fe anyigba dzi to ge. Ame siawoe nye Esau fe dzidzimevi siwo le Seir. Dzidzi afo Edomtowo, eya ta mikpo nyuie. ⁵ Migaho ava de wo nu o, elabena mets̄o Seir to la fe tonyigbawo katã na wo tegbetegbe, eye nyemats̄o wofe anyigba fe

kakε aḏeke ana mi o. ⁶ Mixe fe na wo ḏe wofe nu si miáḏu kple wofe tsi si ɲu ḏo miawo la ta.”

⁷ Yehowa, míafe Mawu la kpɔ mía ta, eye wòyra míafe afɔḏeḏe ḏe sia ḏe le míafe mɔzɔzɔ me le fe blaene siawo katã me, esime míetsa tsaglalã le gbege gã la. Naneke mehiã mí le ɣeyiɣi ma katã me o!

⁸ Ale míeto Edom, afi si mía nɔviwo Esau viwo nɔ le Seir. Míeto Araba mɔ si to anyigbeme yi Elat kple Ezion Geber, eye míeto dzigbeme ḏo ta Moab gbege la.

⁹ Yehowa míafe Mawu de se na mí be, “Migaho ava ḏe Moabtowo hã ɲu o, elabena nyematsɔ wofe anyigba fe akpa aḏeke na mi o. Metsɔe na Lot fe dzidzimeviwo!”

¹⁰ “Emitowo nɔ afi ma tsã. Wonye dukɔ gã aḏe, eye wodzɔ atsu abe Anak fe viwo ene. ¹¹ Woyɔa Emitowo kple Anaktowo be Refaimtowo, ke Moabtowo yɔa wo be Emitowo. ¹² Horitowoe nɔ Seir tsã, ke Edomtowo, Esau fe dzidzimeviwo nya wo hexɔ wo te fe abe ale si Israelviwo ava xɔ Kanaantowo, ame siwo fe anyigba Yehowa tso na Israelviwo la te fe ene.

¹³ “Yehowa gblo be, ‘Mitso Zered tɔvu la azo,’ eye míetsoe.

¹⁴ “Ale míezɔ mɔ fe blaetɔ-vɔ-enyi hafi te ɲu to Zered mlɔeba, heḏo Kades, elabena Yehowa ka atam be miáḏo Kades o, va se ḏe esime ame siwo katã tsi ate ɲu ayi ava le fe blaetɔ-vɔ-enyi si va yi me la katã ku hafi. ¹⁵ E, Yehowa fe asi tsi tsitre ḏe wo ɲu va se ḏe esime wo katã woku.

16 “Le esia megbe la, 17 Yehowa gblọ nam be, 18 ‘Egbe la, Israelviwo ato Moab nyigba fe lifo dzi le Ar, 19 age ẹ Amonitowo fe anyigba dzi. Ke migaho awa ẹ wo ọu o, elabena nyematsọ wofe anyigba fe akpa aḁeke na mi o. Metsọe na Lot fe dzidzimeviwo.’

20 “Refaimtowo nọ afi ma hã kpọ. Amonitowo yọ wo be Zanzumitowo. 21 Wonye dukọ gã sesẹ aḁe, eye wokọ abe Anaktowo ene. Ke Yehowa tsr̃ wo esime Amoritowo va anyigba la dzi, eye woxọ wo tefe. 22 Nenema ke Yehowa kpe ẹ Esau fe dzidzimeviwo ọu le Seir to la gbọ, eye wotsr̃ Horitowo, ame siwo nọ afi ma do ọgọ na wo. 23 Nenema kee Kaftoritowo dze Avitowo, ame siwo nọ du siwo kaka ẹ afi ma va se ẹ keke Gaza ke la dzi.”

Israelviwo ẹu Sixon, Amoritowo fe fia dzi

24 “Azọ Yehowa gblọ nam be, Mitso Arnon tọsisi la, miage ẹ Sixon, Amoritowo fe fia, ame si le Hesbon la fe anyigba dzi. Miwọ awa kpli wo, eye miade asi anyigba la xoxọ me. 25 Tso gbe ma gbe dzi la, mana anyigbadzitowo katã nade asi dzodzo me nyanyanya le mia voṽ kple miafe afi ma ọọọ ta.”

26 “Tso Kedemot gbege la, meḁọ ame dọdowo ẹ Fia Sixon le Hesbon be míawọ ọutifafa kple efe amewo. 27 Míebia be, ‘Na míato wò anyigba dzi ayi. Míanọ mọ gã la dzi ko; míage ẹ miafe agblewo me le ẹsime loo alo miame o. 28 Míafi miafe nuḁuḁu ne míele eme tsom o, ke bon míaxe fe ẹ miafe nu si míadu kple miafe tsi si míano la ta. Nu si biam míele koe nye be míato

wò anyigba dzi ayi.’ ²⁹ Edomtowo ɔe mo na mí le Seir míeto wofe anyigba dzi. Moabtowo hã wo nenema ke na mi le Ar. Míele mo dzi be míatso Yodan, ayi anyigba si Yehowa míafe Mawu tso na mí la dzi.” ³⁰ Ke Hesbon fia Sixon melõ be mía egbo ayi o, elabena Yehowa, míafe Mawu la na wòsè dzi me, ale be wòate nu aɔe asi le Sixon nu na mi abe ale si wòwɔe fifia ene.

³¹ Azɔ la, Yehowa gblo nam be, “Medze Fia Sixon fe anyigba tsotsɔ na mi gɔme. Ne miexɔe la, azu Israelviwo tɔ tegbetegbe.”

³² Eye Sixon kple efe avakɔ blibo la ho ava va kpe mí le Yahaz. ³³ Ke Yehowa, míafe Mawu la na míeɔu wo dzi, xɔ wofe duwo katã. ³⁴ Míetsrõ wofe nu sia nu kple wofe nyɔnuwo kple wofe vidzĩwo katã. Míena naneke tsi agbe o, ³⁵ negbe wofe nyiwo ko. Míetsɔ wofe nyiwo abe míafe fetu ene kpe ɔe afunyinu siwo míelɔ tso wofe du siwo míexɔ me la nu. ³⁶ Míexɔ tefe ɔe sia ɔe tso Aroer yi Gilead, tso Arnon tɔsisi la fe balime fe lifo dzi kple du siwo katã le bali la me. Wofe du aɔeke mesè wu mí o elabena Yehowa, mía Mawu la tso wo katã de asi na mí. ³⁷ Ke míegblẽ Amonitowo kple Yabok tɔsisi la kple du siwo le tonyigba la dzi kple tefe siwo me Yehowa, míafe Mawu, de se na mí be míagage ɔo o la ɔi.

3

Woɔu ɔg, Basan fia dzi

¹ Azɔ míetrɔ ɔo ta ɔg, Basan fia fe anyigba dzi. ɔg fo efe avakɔ nu fu enumake eye wokpe ava kpli mí le Edrei. ² Ke Yehowa gblo nam be,

“Mègavõe o, elabena matsõ eya ñuto kple efe avako blibo la kpakple efe anyigba blibo la ade asi na wò; eye nawõe abe ale si nèwõ Fia Sixõn, Amoritõwo fe fia, le Hesbon ene.”

³ Ale Yehowa miafe Mawu tso Ɖg, Basan fia hã kple efe dukõ blibo la de asi na mi, eye míewu wo katã, ale be ame aḍeke metsi agbe ahayi sisi ge o. ⁴ Míexõ efe du blaadeawo katã kple Basan fe to si woyõna be Argob. ⁵ Wodõ gli kòkõwo fo xlã du siawo, eye wode gakpogbowo wo nu. Míexõ du siwo katã womedõ fo xlãe o la hã. ⁶ Míetsrõ Basan fiadufe la kenken abe ale si míetsrõ Fia Sixõn fe fiadufe le Hesbon ene, eye míewu ameawo katã, ñutsuwo, nyõnuwo kple ḍeviwo siaa. ⁷ Ke mieha wofe nyiwo kple afunynuwo na mía ḍokuiwo.

⁸ Azõ la, Amoritõwo fe fia eveawo fe anyigba si le Yõdan tõiisi la fe go kemε dzi la zu mía tõ. Anyigba sia tso Arnon fe balime yi Hermon to la gbõ. ⁹ (Sidontõwo yõa Hermon to la be Sirion le esime Amoritõwo yõe be Senir.) ¹⁰ Míexõ du siwo katã le tonyigba la dzi kple esiwo le Gilead kple Basan azõ va se ḍe keke Saleka kple Edrei. ¹¹ (Ɖg, Basan fiae nye ame dzõtsu, Refaimtõwo fe mamletõ. Wotsõ efe gabati dzra ḍo ḍe nuwo dzraḍofe le Raba, si nye Amonitõwo fe duwo dometõ ḍeka me. Gabati sia didi afõ wuietõ kple afã, eye wòkeke afõ ade.)

Anyigba la mama

¹² Míetsõ anyigba si míexõ la na Ruben fe viwo kple Gad fe viwo kple Manase fe to afã la fe viwo. Metsõ anyiehenyigba si tso Areor le Arnon

tosisi la gbo kple Gilead to la fe afã kple efe duwo na Ruben fe viwo kple Gad fe viwo. ¹³ Manase fe viwo xɔ Gilead fe akpa mamletɔ kple teƒe si Fia Ɖg fe fiadufe nɔ le Argob nuto me. Woyɔa Basan xe adewo xi be, “Refaim fe Anyigba.” ¹⁴ Manase fe hlɔ si woyɔna be Yair la xɔ Argob nuto me blibo la, si nye Basan va se de Gesuritowo kple Makatitowo fe lifowo dzi. Wotsɔ woawo ntɔwo fe nkɔ na anyigba la be Havot Yair si gomee nye “Yair fe Kɔfewo” abe ale si wogayɔa wo egbegbe ene. ¹⁵ Metsɔ Gilead na Makir fe hlɔ. ¹⁶ Ruben kple Gad fe towo xɔ anyigba tso Yabok tosisisi la nu le Gilead, afi si Amonitowo fe anyigba dze egome tso va se de Arnon tosisisi la fe balime fe titina. ¹⁷ Woxɔ Araba gbegbe si Yodan tosisisi la do lifo na le xetodofe, tso Kineret va se de Pisga kple Dzefu la, si wogayɔna be Araba fu la nu.

¹⁸ Mede se na mi be, “Yehowa, miafe Mawu, tso anyigba sia na mi, ne woanye mia tɔ. Mi kalɛtowo katã mibla akpa dze mia novi Israelviwo ngɔ. ¹⁹ Ke mia srɔwo kple mia viwo ya ate nu anɔ afi sia le du siwo metsɔ na mi la me; woanɔ miafe nyiwo dzi kpɔm ²⁰ va se de esime miatrɔ agbo, eye mana to bubuawo hã naɖu wofe futowo dzi. Ne woxɔ anyigba si Yehowa, miafe Mawu la tso na wo le Yodan tosisisi la godo la, ekema miate nu atrɔ va afi sia, si nye miawo ntɔ fe anyigba la dzi.”

Mawu na be Mose metso Yodan tosisisi la o

²¹ Megblo na Yosua be, “Wò ntɔ ɛkpɔ nu si Yehowa miafe Mawu wɔ fia eve mawo. Miwo nu ma togbi ke fiadufe siwo le Yodan tosisisi la

godo. ²² Mègavõ dukɔ siwo le afi ma la o, elabena Yehowa, wò Mawu la awɔ aba na wò.”

²³ Mefo koko sia na Yehowa le xe ma xi be, ²⁴ “Afetɔ Yehowa, wò nuto ède asi wò gānyenye kple wò abɔ sesẽ la dɛdɛ fia wò subɔla me xoxo, elabena Mawu kae le dzifo alo anyigba dzi si ate nu awɔ wò nuwɔna siawo tɔgbi? ²⁵ Meɛ kuku na wò, na made anyigba nyui si le Yɔdan tɔsisi la godo la dzi dzro, be makpɔ to nyui ma kple Lebanon.”

²⁶ Ke Yehowa do dɔmedzoe dɛ nunye le miawo ta, eye meɛ mɔ nam be matso tɔsisi la o. Eɛ gbe nam be, “Eso gbɔ, mègafo nu tso nya sia nu azɔ o, ²⁷ ke boɲ yi Pisga to la tame, afi si nàte nu xetɔɔfe kple anyiehe, dziehe kple xedzefe gome dɛ; àkpɔ anyigba la le didife tso afi ma. Ke mătso Yɔdan tɔsisi la o. ²⁸ Na Yosua naxɔ dɛ tewòfe. De dzi fo nɛ, elabena eyae akplɔ ameawo atso tɔsisi la be woaxɔ anyigba si nàkpɔ tso to la tame.” ²⁹ Míetsi bali la me le Bet Peor kasa.

4

Nuxɔxlõ na sedziwɔwɔ

¹ “O! Israel, azɔ la, se se kple dɔdɔ siwo mele fia wò ge, lé wo me dɛ asi ale be nàno agbe ayi aɔaxɔ anyigba si Yehowa, mia fofowo fe Mawu la le mia nam. ² Mègatsɔ naneke kpe se siwo mede na wò, eye mègaɛ naneke le wo me o, ke boɲ lé Yehowa, miafe Mawu la fe se siwo mele mia nam la me dɛ asi. ³ Miawo nuto miekpɔ nu si Yehowa wɔ le Baal Peor kple miafe nkuwo. Yehowa, miafe Mawu la tsrõ ame siwo katã dze

Baal Poer yome la le mia dome. ⁴ Ke mi ame siwo katã ku ðe Yehowa, miafe Mawu la ñuti la, miegale agbe va se ðe egbe.

⁵ “Kpɔ ða, mefia se kple ðoðo siwo Yehowa, nye Mawu de nam la mi ale be mialé wo me ðe asi le anyigba si dzi mieyina be yewoaxɔ la dzi.

⁶ Milé ñku ðe wo ñu nyuie, elabena esiae aɖe miafe nunya kple nugomesese afia dukɔ siwo ase se siawo, eye woagblɔ be, ‘Vavãe, dukɔ xɔɛkɔ sia me tɔwo nye nunyalawo kple nugomeselawo.’

⁷ Dukɔ bubu kae li, si xɔ ñkɔ ale gbegbe be wofe mawuwo tɔ ðe wo gbɔ abe ale si Yehowa, míafe Mawu la tɔ ðe mia gbɔ ne míedo gbe ða ne ene?

⁸ Eye dukɔ bubu kae gali si de ñgɔ ale gbegbe be, se kple ðoðo dzɔdzɔe siawo tɔgbi le wo si abe se siwo metsɔ le mia ñkume ðom egbea ene? ⁹ Ke ðeko miakpɔ nyuie, akpɔ mia ðokuiwo dzi nyuie, ale be miaganlɔ nu siwo miafe ñkuwo kpɔ alo ana woado le miafe dzi me zi ale si miele agbe o. Mifia wo mia viwo kple wo vi siwo ava ðe wo yome.

¹⁰ “Miðo ñku ñkeke si dzi mietsi tsitre ðe Yehowa, miafe Mawu la ñkume le Horeb to la gbɔ, esi wògbɔ nam be, ‘Fo ameha la nu fu ðe nye ñkume be, woase nye nyawo ale be woasrɔ ale si woade bubu ñunye zi ale si wole agbe le anyigba la dzi, eye woawo hã woafia wo viwo.’

¹¹ Mietsi tsitre ðe to la te, dzo fe aɖewo do tso to la me yi keke dzingɔli me ke, eye lilikpo yibɔwo kple viviti tsidjitsidj fo xlã to la. ¹² Tete Yehowa fo nu na mi to dzo bibi la me. Miese efe nyawo, gake miekpɔ eya ñuto o. Efe gbe ko mise. ¹³ Eɖe gbefã efe nubabla, efe Se Ewoawo, siwo wòde

na mi be mialé wo me de asi, eye wonlo wo de kpe kpakpa eve dzi na mi. ¹⁴ Ye ma xie Yehowa gblo nam be mafia do do kple se siwo me mialé de asi le anyigba si miele Yodan tōsisi la tsom be miaxo la dzi.”

Sedede tso legbawo subosubo ηuti

¹⁵ “Miekpō nōnōme adeke togbi gbe si gbe Yehowa fo nu na mi le Horeb tso dzo la me o, eya ta mikpō mia dokuiwo dzi nyuie, ¹⁶ ale be miadze nu v̄ me, eye miawo legba adeke na mia dokuiwo de nōnōme adeke me o; ne wowo wòd̄i ηutsu alo nyōnu o, ¹⁷ alo wòd̄i lā ad̄e le anyigba dzi alo xevi dzodzoe adeke loo alo ¹⁸ lā sue si fua du le anyigba alo tōmelā o. ¹⁹ Kpe de esia ηu la, migawu mo dzi be yewoasubo xe, xleti alo xletiviwo o. Yehowa miafe Mawu akpō nublanui na dukō bubu siwo awo nu sia, gake makpō nublanui na miawo ya o. ²⁰ Yehowa de mi tso kluvinyenye me le Egipte be mianye yefe dukō tōxe kple eya ηuto fe domenyilawo, eye woawoe nye nu siwo mienye egbe. ²¹ Ke edo dōmedzoe de ηunye de miawo ta. Eka atam be nyematso Yodan tōsisi la age de anyigba nyui si Yehowa miafe Mawu tso na mi abe miafe domenyinu ene la dzi o. ²² Ele be maku le afi sia, le Yodan tōsisi la fe akpa sia dzi. ²³ Mikpō nyuie be miagagblē nubabla si Yehowa, miafe Mawu wo kp̄li mi la me o! Miagblē nubabla sia me ne miewo legbawo, elabena Yehowa, miafe Mawu la de se sesē de nu sia nu. ²⁴ Yehowa miafe Mawu la nye dzo si fiaa nu kple Mawu si v̄āa ηu.

25 “Ne mieva nɔ anyigba la dzi etefe didi, ne miedzi mia viwo kple togbuiyɔviwo, eye mieglẽ kɔ ɔ na mia ɔkuiwo to legbawo wɔwɔ me, eye Yehowa miafe Mawu la do ɔmedzoe ɔe mia ɲu kaɔikaɔi le miafe nu vɔwo ta la, 26 ekema dzifo kple anyigba anye ɔasefowo be woatsrɔ mi kaba le anyigba la dzi. Fifia, esusɔ vie miatso Yɔdan tɔsisi la, eye miaxɔ anyigba ma. Ke miafe ɲkekewo le afi ma anɔ kpuie, elabena woatsrɔ mi kenken. 27 Yehowa akaka mi ɔe dukowo dome, eye miagasɔ gbɔ o. 28 Le didifenyigbawo dzi la, miasubɔ legba siwo wowɔ kple ati kple kpe, legba siwo mekpɔa nu, sea nu, ɔua nu alo sea nu fe vevɛ o.

29 “Ke miagade asi Yehowa, miafe Mawu la didi me. Miakpɔe ne miedii kple miafe dzi kple luɔɔ blibo. 30 Ne vevesese fe ɲkeke mawo va tu mi emegbe la, miatrɔ ava Yehowa, miafe Mawu la gbɔ mlɔeba, eye miadɔ to efe nyawo azɔ, 31 elabena Yehowa miafe Mawu kpɔa nublanui na ame. Magblẽ mi ɔi o, matsrɔ mi o, eye manɔ ɲugbe siwo wɔdo na mia fofowo la be o.”

Yehowae nye Mawu

32 “Mida ɲku ɔe xexea me fe ɲutinya me tso keke esime Mawu wɔ amegbetɔ ɔe anyigba dzi. Midii tso dzifo fe akpa ɔeka yi akpa bubu ne miakpɔe ɔa be nya sia togbi dzɔ kpɔ mahã. 33 Dukɔ blibo se Mawu fe gbe wɔfo nu ne tso dzo bibi me, abe ale si miawo miese ene, eye dukɔ la gali! 34 Tefe bubu kae miagate ɲu akpɔ ale si Mawu ɔe dukɔ aɔe tso kluvinyenye me, eye wɔdo ɔvɔ dziɲowo ɔa, wɔ nukunu triakowo,

eye wòhe abawowo kple ɲodzi ve la fe kpodeɲu le? Nu sia tututue Yehowa, miafe Mawu la wo na mi le Egipte le miawo ɲuto mia ɲkume. ³⁵ Ewo nu siawo ale be miadze sii, be Yehowae nye Mawu, eye mawu bubu adeke megali abe eya ene o. ³⁶ Ena miese efe gbe wòno nu fiam mi tso dzifo. Ena miekpɔ efe dzo bibi gã la le anyigba dzi. Miese efe gbe gõ hã tso dzo bibi la titina.

³⁷ “Esi wòlõ mia togbuiwo, eye wòdi be yeayra wofe dzidzimeviwo tae eya ɲuto kplɔ mi tso Egipte kple efe ɲusẽ gã la dede fia. ³⁸ Enya dukɔ siwo sesẽ wu mi sãa la da, eye wòtso wofe anyigbawo na mi abe domenyinu ene, abe ale si wòle egbe ene. ³⁹ Esiae nye nu si ɲuti miabu egbe: Yehowae nye Mawu le dzifo kple anyigba afi sia; le eya megbe la, Mawu bubu adeke megali o! ⁴⁰ Ele be miawo se siwo made na mi egbe la dzi, ale be nu sia nu nanyo na mi kple mia viwo, eye mianɔ anyigba si Yehowa, miafe Mawu la le mia nam la dzi tegbetegbe.”

Sitsofeduwo

⁴¹ Le esia megbe la, Mose dɔe na Israelviwo be woatia du etõ le Yɔdan tɔsisi la fe ɣedzefe lofo, ⁴² ale be ne ame aɔe wu ame to nu maɔowo me la, wòate ɲu asi ayi du siawo me, eye wòano dedie. ⁴³ Du siawo dometo dɔkae nye Bezer, le gbegbe la fe tonyigba dzi. Du sia li na Ruben fe viwo. Du eveliae nye, Ramot le Gilead. Eya li na Gad fe viwo. Du etõliae nye Golan, le Basan, eye wòli na Manase fe viwo.

Seawo fe ɲgodonya

⁴⁴ Se siwo gbona la nye se siwo Mose de na Israelviwo, ⁴⁵ esi wodzo le Egipte, eye wofu asaḡa anyi ḡe ⁴⁶ Yḡdan tḡsisi la fe go keme dzi le Bet Peor kasa. Anyigba sia dzie Amoritḡwo nḡ tsā le woḡe Fia Sixḡn te, eye woḡe fiadu nye Hesbon. Mose kple Israelviwo tsrḡ Fia Sixḡn kple efe amewo. ⁴⁷ Israel xḡ Fia Sixḡn kple Basan fia ḡḡ fe anyigba. Sixḡn kple ḡḡ wonye Amoritḡwo fe fia eveawo, ame siwo nḡ Yḡdan tḡsisi la fe ḡedzefe lḡfo. ⁴⁸ Israelviwo xḡ anyigba la katā tso Aroer si le Arnon tḡsisi la fe balime fe lifo dzi va se ḡe Sirion to (si wogayḡna be Hermon to) la gbḡ ⁴⁹ kple Arabanyigba la katā, le Yḡdan tḡsisi la fe ḡedzefe yi Dzefu la nu, le Pisga to la te.

5

Mose gate gbe ḡe Se Ewoawo dzi na Israelviwo

¹ Mose gafo nu na Israelviwo gblo be,

Miḡo to nyuie miase se siwo katā Yehowa de na mi. Misrḡ wo, eye miakpḡ egbḡ be yewowḡ wo dzi! ² Yehowa mía Mawu la bla nu kpli mi le Horeb to la gbḡ. ³ Mebla nu kple mia tḡgbuiwo o, ke boḡ kple mi ame siwo le agbe, le afi sia fifia ⁴ Eḡo nu kpli mi ḡkume kple ḡkume tso dzo bibi la titina le afi ma, le to la gbḡ. ⁵ Menḡ miawo kple Yehowa dome, elabena mienḡ vḡvḡm, eye mieyi egbḡ le to la dzi o. Eḡo nu nam, eye metsḡ efe seawo na mi.

Nya siwo wḡgblo la woe nye:

⁶ “Nyee nye Yehowa, wò Mawu, si kplò wò tso kluvinyenye me le Egiptenyigba dzi.

⁷ “Mègasubò mawu bubu ađeke kpe ɔe nyenye o.

⁸ Mègawò legba ađeke na ɔkuiwò o, eɔanye nu siwo le dzifo alo anyigba dzi afii loo, alo to me la fe nɔnɔme o. ⁹ Mègade ta agu na wo o, eye mègasubò wo le mɔ ađeke nu o, elabena nye Yehowa, wò Mawu la, Mawu vāṅue menye. Mehea to na ɔevi siwo léa fum la ɔe wo fofowo fe vodadawo tefe va se ɔe dzidzime etōlia kple enelia dzi. ¹⁰ Ke meɔea nye lólō fiaa dzidzime akpe nane siwo lōam, eye wowɔa nye seawo dzi.

¹¹ Mègayò Yehowa, wò Mawu la fe ŋkɔ dzodzro o, elabena Yehowa magbe tohehe na ame si yɔ efe ŋkɔ dzodzro la o.

¹² Wò ɔe Dzudzɔgbe la dzi, eye nàwɔe kòkɔe abe ale si Yehowa, wò Mawu la de se na wòe ene. ¹³ Wò wò ɔwo katā le ŋkeke ade me, ¹⁴ ke ŋkeke adrelia nye Yehowa, wò Mawu la fe Dzudzɔgbe. Mègawò ɔ ađeke le edzi o. Wò afemetò ađeke hā mekpò mɔ awò ɔ ađeke gbe ma gbe o, eɔanye viwò ŋutsuwo, viwò nyɔnuwo, wò ɔlanjutsu, wò ɔlanyɔnu, wò nyiwo, wò tedziwo alo wò lāwo katā o. Ele be amedzro siwo le mia dome gō hā nawò se sia dzi. Ele be ame sia ame nadzudzɔ abe ale si wò ŋutɔ nàwò ene. ¹⁵ Ɖo ŋku edzi be, ènye kluvi le Egipte kpò, eye Yehowa, wò Mawu la kplò wò ɔo tso

tefe ma kple asi sesẽ kple abo si wòdo ɔe dzi. Le esia ta Yehowa, wò Mawu la de se na wò be nàɔo nku Dzudzogbe la dzi.

¹⁶ Bu fofowò kple dawò. Ɖo nku edzi be esiae nye Yehowa, wò Mawu la fe se. Ne èwò ɔe edzi la, àno agbe didi, eye wòadze edzi na wò le anyigba si Yehowa, wò Mawu la le nawòm la dzi.

¹⁷ Mègawu ame o.

¹⁸ Mègawò ahasi o.

¹⁹ Mègafi fi o.

²⁰ Mègaɔi avatsodase le hawòvi nɔti o.

²¹ Mègabia nu hawòvi ɔe srɔa ta alo ɔe efe afe, anyigba, dolanutsu, dɔlanyonu, nyiwo, tedziwo loo, alo nu sia nu si nye eto la ta o.”

²² Yehowa de se siawo na mia dometo ɔe sia ɔe tso dzo bibi la titina esime lilikpo la kple viviti tsiɔtsiɔi fo xlã Sinai to la, se mawo ko wòde na mi xe ma xi, eye megatso bubu aɔeke kpee o. Enlo wo ɔe kpe kpakpa eve dzi hetsò nam.

²³ Ke esi miese gbe sesẽ la tso viviti la me, eye miekpo dzo bibi dziɔ la le to la tame la, miafe toawo fe kplɔlawo katã va gbonye, ²⁴ eye woɔe kuku be, “Egbe la, Yehowa, miafe Mawu la ɔe efe nɔtikokoe kple gãnyenye fia mí. Miese efe gbe gò hã tso dzo bibi la titina. Azò la, míenya be ame ate nu afo nu kple Mawu, eye maku o. ²⁵ Ke míeka ɔe edzi be míaku ne Yehowa miafe Mawu gafo nu na mí azò. Dzo bibi dziɔ sia atrɔ mí. ²⁶ Ame kae ate nu ase Mawu gbagbe la fe gbe tso dzo bibi la titina abe ale si míawo miesee ene, eye wòatsi agbe? ²⁷ Yi nàɔo to nya siwo katã

Yehowa, míafe Mawu la le gbogblom, eye nàva gbløe na mí, ekema míaðo to, eye miawo de wo dzi.”

²⁸ Yehowa lɔ de miafe biabia la dzi, eye wògblo nam be, “Mese nya si wò ameawo gblø na wò; melɔ de edzi. ²⁹ O! Ne dzi sia togbi anɔ wo me xe sia xi, eye woadi be yewoawo nye sawo dzi la, ekema nu sia nu anyo na wo le ngogbea, eye wòanyo na wo viwo to dzidzimeawo katã me!

³⁰ “Yi, nàgblo na wo be, woatrɔ ayi wofe agbadowo me. ³¹ Emegbe la, wò nuto nàtrɔ va, atsi tsitre de axanye le afi sia, matsɔ nye sawo katã na wò, nàfia sawo ameawo ne woawo wo dzi le anyigba si mele wo na ge la dzi.”

³² Ale Mose gblø na ameawo be, “Ele be miawo de Yehowa, miafe Mawu la fe sawo dzi, miazo de efe do do de sia de nu tututu, eye miazo le mo si wòta na mi la dzi pɛpɛpɛ. ³³ Ne miewo esia la, eya ko hafi mianɔ agbe didi, eye wòadze edzi na mi le anyigba si xo ge miala la dzi.”

6

Lɔ Yehowa, wò Mawu la

¹ Yehowa, miafe Mawu la gblø nam be matsɔ se siawo katã na mi, miawo de wo dzi le anyigba si dzi yi ge miala fifia, eye mianɔ la dzi. ² Se siawo fe tadodzinue nye woana miawo, mia viwo kple mia togbuiyɔviwo miavɔ Yehowa, miafe Mawu la to efe do do wo katã dzi wɔwɔ me le miafe agbemenkekewo katã me. Ne miete nu wɔe la, fe gedɛ siwo me nunyoname gedewo le la anɔ mia ngɔ, ³ eya ta O! Israel, do to se de sia de,

eye nàkpɔ egbo be yewɔ ɔe wo dzi ale be nàkpɔ dzidzedze le nu sia nu me, eye nàdzi sɔ gbo. Ne èwɔ ɔe se siawo katã dzi la, àzu duko gã aɔe le anyigba nyui la dzi afi si “notsi kple anyitsi bo ɔo” abe ale si fofowòwo fe Mawu la do ñugbe na wò ene.

⁴ O! Israel, ɔo to: Yehowa míafe Mawu la, Yehowa ɔeka koe. ⁵ Ele be nàlɔ̃ Yehowa, wò Mawu la kple wò dzi blibo, wò luwo blibo kple wò ñusẽ blibo. ⁶ Hekpe ɔe esia ñuti la, ele be nàbu se siwo mele nawòm egbe la ñu xe sia xi. ⁷ Ele be nàkui ɔe to me na viwòwo, eye nàfo nu na wo tso wo ñu ne miele afe me alo ne miele tsa ɔim, le anyimlɔxi kple fɔfɔxi abe nu gbãto ene le ñdi me. ⁸ Tsi wo ɔe wò asibide ñu abe dze si ene, bla wo ɔe wò ñgonu, ⁹ eye nàñlo wo ɔe boɔtrutiwo ñu le wò afe me!

¹⁰ Ne Yehowa, wò Mawu la kplɔ wò va ɔo anyigba si ñugbe wòdo na fofowòwo, Abraham, Isak kple Yakob dzi, eye ne etsɔ du gã siwo me nu nyuiwo le na wò, ¹¹ du siwo mètso o, vudo siwo mèɔe o, waingble siwo mède o kple amiti siwo mèdo o, eye ne èɔu nu ɔi fo la, ¹² ekema kpɔ nyuie be, màñlo Yehowa si kplɔ wò tso Egiptenyigba dzi, tso kluvinyenye me la be o.

¹³ Ne èɔi fo la, mègàñlo Yehowa, wò Mawu la vɔvɔ kple esubɔsubɔ be o. Wɔ eya ko fe ñko ñu do le atamkaka me. ¹⁴ Mele be nàsubɔ duko siwo fo xlã wò la fe mawuwo o, ¹⁵ elabena Yehowa, wò Mawu la, ame si le mia dome la nye Mawu vãñu; ate ñu ado do medzoe ɔe ñuwò, eye wòatsrɔ̃ wò ɔa le anyigba la ñkume. ¹⁶ Mele be

nàte Yehowa wò Mawu la kpò abe ale si nètee kpò le Masa ene o. ¹⁷ Ele be nàwò efe sewo katã dzi. ¹⁸ Eya ko hafi nàwò nu si dze, eye wònyo le Yehowa ñkume. Ne èwò ðe efe sewo dzi la, nu sia nu adze edzi na wò, eye nàte ñu ayi aḍaxò anyigba nyui si ñugbe Yehowa do na togbuiwòwo. ¹⁹ Hekpe ðe esia ñu la, ànya ame siwo le anyigba la dzi ḍa abe ale si Yehowa do ñugbe be yeakpe ðe ñuwò nàwò ene.

²⁰ Ne viwò va bia wò gbe aḍe gbe be, “Nu ka see nye esi Yehowa miafe Mawu de na mi?” hã la, ²¹ ele be nàgblo ne be, “Míenye Farao fe kluwiwo kpò le Egipte. Yehowa ðe mí tso Egipte to efe ñusè gã la ²² kple nukunu gãwo wòwò kple fufiafia Egipte, Farao kple efe amewo katã me. Míekpò nu siawo katã kple míafe ñkuwo. ²³ Yehowa kplò mí tso Egipte be yeate ñu atso anyigba sia, si ñugbe wòdò na mía togbuiwo la na mí. ²⁴ Ebia tso mía si be míawò se siawo katã dzi, eye míade bubu ye ñu ale be yeate ñu alé agbe ðe te na mí abe ale si wòwò va se ðe fifia ene, ²⁵ elabena xe sia xi si míewò ðe Yehowa miafe Mawu fe sawo katã dzi la, nu sia nu dzea edzi na mí nyuie.”

7

Yehowa nya anyigba la dzi nɔlawo ḍa

¹ Ne Yehowa miafe Mawu kplò wò yi Ñugbedodonyigba la dzi, abe ale si wòle wòwò ge kpuie ene la, atrɔ̃ dukò adre siwo dometo ðe sia ðe lolo, eye wòsè wu wò. Dukò siawoe nye: Hititowo, Girgasitowo, Amoritowo, Kanaantowo,

Perizitowo, Hivitowo kple Yebusitowo. ² Ne Yehowa, wò Mawu la tso wo de asi na wò be nàtsrõ wo la, ele be nàtsrõ wo kenken. Mègawo nubabla kpli wo alo nàkpõ nublanui na wo o. Tsrõ wo kenken. ³ Mègade srõ tso wo dome o, eye mègade mo viwò n̄utsuwo kple viwò nyõnuwo nađe wo vinyõnuwo kple wo viñutsuwo o. ⁴ Ne viwòwo ɔe wo viwo la, viwòwo asubɔ wofe mawuwo godoo. Ekema Yehowa fe d̄omedzoe abi ɔe n̄uwò, eye Yehowa atsrõ wò kokoko. ⁵ Ele be n̄amu wofe v̄samlekpuwo, agbã wofe legbawo, aho wofe afeliwo afu anyi, eye n̄ato dzo wofe aklamakpakpewo, ⁶ elabena wò la, dukɔ kɔkɔe n̄enye, eye wotsɔ wò na Yehowa, wò Mawu la. Etia wò tso xexemedukowo katã dome be n̄anye yefe dukɔ tiatia.

⁷ Etia wò, eye wòko efe lolõ ɔe dziwò duu, menye esi n̄enye dukɔ si lolo wu bubuawo ta o, elabena wòe nye suetɔ kekeake le dukowo dome! ⁸ Esi wòlõ wò kple ale si wòwo atam si wòka na tɔgbuiwòwo dzi ta koe. Eya ta wòɔe wò tso kluvinyenye me le Egiptenyigba dzi to efe n̄usẽ gã ɔeɔe fia kple nukunu triakowo wowo me. ⁹ Eya ta nyae bena Yehowa, wò Mawu la nye Mawu nutefewola. Ewoa efe n̄ugbedodowo dzi na dzidzime akpewo, eye wòtsɔa lolõ mavɔ lãa ame siwo l̄õn̄e, eye wowɔa efe seawo dzi.

¹⁰ Ke ame siwo léa fui la, woahɛ to na wo le dukowo n̄kume,

eye woatsrõ wo. Eya n̄uto ahe to na wo.

¹¹ Eya ta wo ɔe se siwo katã mele tsotsom na wò egbea la dzi.

¹² Le wò seawo dzi wɔwɔ ta la, Yehowa, wò Mawu la awɔ ɔe efe nubabla si wòtso lɔ̃ wò kple fofowòwo la dzi. ¹³ Kpe ɔe esia ɲu la, alɔ̃ wò, ayra wò, eye wòawɔ wò nàzu dukɔ gā aɔe. Ana nàdzi asɔ gbɔ, wò anyigba nanyo nukuwo, eye wò lāwo hā nadzi asɔ gbɔ, ale be wò bli, wain, ami, nyiwo, alēwo kple gbɔwo asɔ gbɔ ne mieva ɔo anyigba si ɲugbe wòdo na fofowòwo be yeatsɔ na wo la dzi. ¹⁴ Yehowa ayra wò wu dukɔ bubu ɔe sia ɔe le xexea me. Wò ɲutsuwo kple nyɔnuwo siaa dometɔ aɔeke matsi ko o. Wofe lāwo gɔ̃ hā matsi ko o. ¹⁵ Gawu la, Yehowa aɔe miafe ɔlɔlewo katā ɔa, eye mana Egiptetɔwo fe ɔlɔle siwo dzi nɛɔo ɲkui nyuie la dometɔ aɔeke naɔe fu na wò o. Atsɔ ɔlɔle siawo katā ada ɔe wò futɔwo dzi! ¹⁶ Ele be nàtsrɔ̃ dukɔ siwo katā Yehowa, wò Mawu la tso de asi na wò. Mègakpɔ nublanui na wo o, eye mègasubɔ wofe mawuwo o. Ne ègbe toɔoɔo, eye nɛwɔ nu siawo la, dzɔgbevɔ̃e ava dziwò.

¹⁷ Ɖewohĩ miabia mia ɔokuiwo be, “Dukɔ siawo sesɛ wu mí, aleke míate ɲu awɔ anya wo ɔa?” ¹⁸ Ke migavɔ̃ wo o! Miɔo ɲku nu si Yehowa, miafe Mawu la wɔ Farao kple Egiptenyigba blibo la ¹⁹ miekpɔ kple miawo ɲuto miafe ɲkuwo, xaxa sesɛwo, nukunuwo kple dzesi gāwo, asi sesɛ kple abɔ si wòdo ɔe dzi si Yehowa, wò Mawu la tso kplɔ wò do goe la dzi la dzi nyuie. Yehowa, wò Mawu la awɔ nenema ke na ame siwo vɔ̃m nèle fifia. ²⁰ Gawu la, Yehowa wò Mawu la aɔo nudzozoe teamewo ɔe wo dome va se ɔe esime ame siwo tsi agbe, eye woɣla wo ɔokuiwo la hā nàtsrɔ̃.

21 “Mègavõ duko mawo o, elabena Yehowa, wò Mawu la le mia dome; Mawu ñusêto kple ñodzito wònye. 22 Yehowa, wò Mawu la mađe mo be miade wo katã ða zi ðeka o, ne menye nenema o la, lã woadãwo adzi aso gbo ađe to ðe wò. 23 Ke Yehowa, wò Mawu la atso wo ade asi na wò, ana woatoto va se ðe esime woatsrõ. 24 Mawu atso wofe fiawo ade asi na wò, eye nàtutu wofe ñkowo ða le anyigba la ñkume. Wo dometo ađeke mate ñu atsi tsitre ðe ñuwò o. Ke boñ àtsrõ wo. 25 To dzo wofe legbawo, eye wo ñu klosalo alo sika megabiã ñu na wò o, eye mègatsò wo na ðokuiwò o, elabena ñunyõnue wonye na Yehowa, wò Mawu la. 26 Mègatsò ñunyõnu ađeke va afewò me o, ne menye nenema o la, wò hã àzu busunu si wođo anyi na tsòtsrõ. Tsri wo vevie, eye woanyo ñu na wò elabena busunuwoe wonye.

8

Mèganlɔ Yehowa be o

1 “Ele be miawo ðe se siwo katã mede na mi egbe la dzi. Ne miewo wo dzi la, miatsi agbe ðeðe ko o, ke boñ miadzi so gbo, eye miayi ađaxo anyigba si ñugbe Yehowa do na mia fofowo. 2 Miedo ñku ale si Yehowa miafe Mawu kplɔ mi to gbedzi le fe blaene siawo sɔñ me, bobo mi ðe anyi, eye wòdo mi kpɔ be yeanya nu si miawo kple nenye be mialé yefe sewo me ðe asi loo alo mialé wo me ðe asi o la dzi. 3 E, ebobo mi ðe anyi esi wòna do wu mi, eye wòna mana mi be miadu. Miawo ñuto kple mia togbuiwo miekpɔ mana sia

kpo o. Ewɔe be yeana mianya be menye nuɖuɖu koe nye nu sia nu o, eye mianyae be agbe ɲuto le Yehowa fe se de sia de dzi wɔwɔ me. ⁴ To fe blaene siawo katã me la, miafe awuwo mevuvu o, eye miafe afɔwo meɖo loholoho alo te o. ⁵ Eya ta ele be miadze sii be Yehowa miafe Mawu hea to na mi be yeakpe de mia ɲu abe ale si fofu hea to na via ene.

⁶ “Miwo de Yehowa, miafe Mawu la fe seawo dzi. Mizɔ de efe doɖowo nu, eye miavɔe, ⁷ elabena Yehowa, miafe Mawu la le mia kplɔm yina anyigba nyui la dzi, afi si tɔbuwo, tawo, tsi dzidziwo, balimewo kple towo le. ⁸ Lu, mɔlu, wainkawo, amitiwo, yevubodatiwo le anyigba sia dzi. ⁹ Nuɖuɖu bo de anyigba sia dzi. Naneke mehiãa ame le afi ma o. Gayibo bo de afi ma abe kpe ene, eye akɔbli so gbo de towo me. ¹⁰ Ne miedu nu di fo la, mikafu Yehowa, mia Mawu la le anyigba nyui si wɔna mi la ta.

¹¹ “Ke xe ma xi tututu wɔle be miadɔ ɲu do! Mikpo nyuie be le xeyixi si nuɖuɖu bo de mia si la, miaganlo Yehowa, miafe Mawu la be, eye miade asi agladzedze de enu me o. ¹² Ne miedu nu di fo, nuwo dze edzi na mi, mietu xo nyuiwo, ¹³ miafe lawo dzi, eye miafe klosalo kple sika so gbo de edzi la, ¹⁴ xe ma xi tututue wɔle be miadɔ ɲu do be miaganlo Yehowa, miafe Mawu, si kplɔ mi tso miafe kluvinyenye me le Egiptenyigba dzi la be o. ¹⁵ Mikpo nyuie be, miaganlo Mawu, ame si kplɔ mi to gbedzi dziɲo la dzi, afi si da adivɔwo kple ahɔwo bo do, tefe si xo dzo hefu la be o. Ena tsi mi tso Agakpe la me! ¹⁶ Ena mana mi miedu

le gbedzi. Mana nye abolo aḍe si tɔgbi ame aḍeke mekpɔ kpɔ do ɲɔ o. Mawu wɔ esia be miabɔɔ mia ɔkui ale be miafe ɲuɔɔɔ ɔe ye ɲu nadzi ɔe edzi, eye yeawɔ nyui na mi. ¹⁷ Ewɔ esia, ale be miabu ɣe aḍeke ɣi be miawo ɲuɔ miafe ɲusẽ mee mieto zu hotsuitɔwo o. ¹⁸ Miɔ ɲku edzi ɣe sia ɣi be Yehowa, miafe Mawu la na ɲutete mi be miazu hotsuitɔwo. Ena miezu hotsuitɔwo be yeawɔ ɔe ɲugbe si yedo na mia fofowo la dzi. ¹⁹ Ke ne mienɔ Yehowa, miafe Mawu la be, hesubɔ mawu bubuwo ɔe etefe, eye miedze nu vɔ mɔwo dzi la, miatsrɔ godoo, ²⁰ abe ale si Yehowa na dukɔ bubuwo tsrɔ va yi la ene. Miawo hã miatsrɔ nenema ke, ne miewɔ ɔe Yehowa, míafe Mawu la fe seawo dzi o.”

9

Menye Israelviwo fe dzɔdzɔenyenye tae o

¹ “O! Israel, see. Èle Yɔdan tɔsisi la tso ge egbe, eye nàde asi dukɔ siwo le tɔsisi la godɔ la nyanya me. Dukɔ mawo tri akɔ, eye wosẽ wu wò! Woɔ gli kɔkɔwo fo xlã wofe duwo. ² Anak fe viwo, ame siwo nye ame dzɔatsuwo, eye dukɔ aḍeke mate ɲu anɔ te ɔe wo nu o la le wo dome. ³ Ke Yehowa, wò Mawu la anɔ ɲɔ na wò abe dzo si fiaa nu ene be yeatsrɔ wo ale be nàte ɲu aɔ wo dzi kaba, eye nànya wo ɔa le anyigba la dzi.

⁴ “Ne Yehowa miafe Mawu wɔ esia na wò la, mègagblɔ na ɔkuiwò be, ‘Yehowae ve nunye, elabena menye ame dzɔdzɔe o.’ Mele nenema o. Dukɔ kemewo fe vɔɔvɔɔ tae Yehowa le esia wo ge ɔ. ⁵ Menye esi mienye ame nyui dzɔdzɔewo

tae Yehowa anya wo ɗa le mia ŋɔ ɗo o! Megale egblom na mi be, dukɔ kemewo fe vɔɗivɔɗi tae hekpe ɗe Yehowa miafe Mawu fe ŋugbe si wòdo na mia fofowo, Abraham, Isak kple Yakob ŋu ta koe. ⁶ Megale egblom ake be, Yehowa, miafe Mawu la mele anyigba nyui sia tsom na mi le miafe nyonyo ta o, elabena mienyo o. Mienye dukɔ vɔɗi kple kɔlialiatowo.”

Sikanyivi la

⁷ Miganɔ be o, ke bon miɗo ŋku ale si miedo dɔmedzoe na Yehowa, miafe Mawu la enuenu le gbedzi, tso gbe si gbe miedzo le Egipte va se ɗe fifia dzi. Miedze aglã ɗe enu le xeyixi siawo katã me. ⁸ Miedo ŋku ale si miedo dɔmedzoe ne le Horeb to la gbɔ dzi oa? Enɔ klalo be yeatsrɔ mi. ⁹ Menɔ toa dzi xe ma xi, eye menɔ nubabla si Yehowa wo kpɔ mi, si nye kpe siwo dzi wɔnɔ seawo ɗo la xom. Menɔ afi ma ŋkeke blaene kple zã blaene. Nyemedu naneke le xeyixi ma katã me o. Nyemeno tsi gɔ hã o. ¹⁰ Yehowa tso kpe kpakpa eve siwo dzi Mawu tso efe asibide ŋɔ nu ɗo la nam. Se siwo katã Yehowa de na mí le toa dzi to dzo me le miafe takpegbe la le wo dzi.

¹¹ Le ŋkeke blaeneawo kple zã blaeneawo fe nuwuwu la, Yehowa tso kpe kpakpa eveawo, nubabla fe kpe kpakpawo nam. ¹² Egblɔ nam be maɗi yi anyigba kaba, elabena dukɔ si mekpɔ tso Egipte la gblẽ kɔ ɗo na eɗokui; eɗe asi le Mawu fe seawo ŋu kaba, eye wɔlɔlɔ ga hetsɔ wo legbae.

¹³ Tete Yehowa gblɔ nam be, “Mekpɔe be dukɔ sia nye ame kɔlialiatowo sɔŋ. ¹⁴ Ɖe asi le ɲunye matsrɔ̃ wo, matutu wofe ɲkɔwo ɖa le dzifoa te, eye mawɔ wò boŋ wò dzidzimeviwo woazu dukɔ si akpɔ ɲusɛ, eye wòalolo wu Israel.”

¹⁵ Metro gbɔ tso to bibi la dzi le esime melé kpe eve siwo dzi Mawu ɲlo efe seawo ɖo la ɖe asi. ¹⁶ Le toa te la, mekpɔ nyivi si miewɔ le miafe nu vɔ̃ si miewɔ ɖe Yehowa miafe Mawu ɲu me. Miegbugbɔ le Yehowa yome kaba ɲuto! ¹⁷ Esia ta metsɔ kpe eveawo do ɖe dzi, eye mexlã wo ɖe anyi sesĩe! Megbã wo le mia ɲkume! ¹⁸ Le esia megbe la, meganɔ Yehowa ɲkume ɲkeke blaene kple zã blaene numadumadu, tsimanomano, elabena miewɔ nu si Yehowa lé fui wu nu sia nu, eye miena wòdo dɔmedzoe vevie ɲuto. ¹⁹ Mevɔ̃ ɖe mia nu ɲutoɲuto, elabena Yehowa ɖo vevie be yeatsrɔ̃ mi. Ke egaɖo tom xe ma xi hã. ²⁰ Aron ɖo xaxa gã aɖe me, elabena Yehowa do dɔmedzoe ɖe eɲu ɲuto. Ke medo gbe ɖa, eye Yehowa kpɔ nublanui nɛ. ²¹ Metsɔ miafe nu vɔ̃ si nye nyivi si miewɔ la, medee dzo me, tui memie wòzu vuɔvededi, eye metsɔ vuɔvededi la kɔ ɖe tɔvu si dzo tso toa dzi la me.

²² Miegado dɔmedzoe na Yehowa le Tabera, emegbe le Masa, eyome le Kibrot Hatava.

²³ Le Kades Barnea la, esi Yehowa gblɔ na mi be miage ɖe anyigba si wòtsɔ na mi dzi la, miedze aglã ɖe eɲuti, eye miexɔe se be akpe ɖe mia ɲu o. Miegbe toɖoɖoe. ²⁴ Ɖ, mienɔ aglã dzem ɖe Yehowa ɲu tso gbe si gbe ke menya mi, ²⁵ eya ta metsyɔ mo anyi ɖe Yehowa ɲkume ɲkeke blaene

kple zã blaene mawo me esime Yehowa di be yeatsrõ mi.

²⁶ “Medo gbe ða na Yehowa be, Afeto Yehowa, m̀egatsrõ wò ñuto wò amewo o. Wò ñuto wò domenyinu si ǹede kple wò ñusẽ triako, eye ǹede wo tso Egipte kple asi sesẽ. ²⁷ Ðo ñku wò dɔlawo, Abraham, Isak kple Yakob dzi. M̀egaðo ñku ame siawo fe kɔlialia kple woƒe v̄oɖiv̄oɖi kple woƒe nu v̄owo dzi o. ²⁸ Ne menye nenema o la, dukɔ si me ǹekplɔ mí do go tso la agblɔ be, ‘Esi Yehowa mete ñu kplɔ wo yi anyigba si fe ñugbe wòdo na wo dzi o, eye esi wòlé fu wo ta la, ekplɔ wo do goe be yeawu wo le gbedzi.’ ²⁹ Wò amewo kple wò domenyilawo wonye, ame siwo ǹetsɔ wò ñusẽ triako kple abo sesẽ la kplɔ tso Egipte.”

10

Kpe kpakpa siwo ði gbãtowo

¹ “Yehowa gblɔ nam xe ma xi be makpa kpe eve bubu abe gbãtowo ene, matsɔ ati akpa aɖaka aɖe si me woatsɔ kpe eveawo adzra ðo la, eye matrɔ ava ye, Mawu gbo le toa dzi. ² Egblo nam be yeagbugbo se siwo tututu yenlo ðe kpe siwo megbã dzi la anlo ðe kpe yeyeawo dzi, eye matsɔ wo ade Aɖaka la me. ³ Ale metsɔ akasiati wo Aɖaka la. Mekpa kpe eve abe gbãtowo ene hetso wo yi na Yehowa le to la dzi. ⁴ Eganlo Se Ewoawo ðe wo dzi tso nam. Wonye se siwo tututu wònam tso dzo bibi la fe titina le toa dzi le mi katã ñkume le to la te. ⁵ Meɖi eye metsɔ kpe eveawo de Aɖaka si mekpa la me. Wole aƒi ma va se ðe egbe abe ale si Yehowa ðo nam ene.

⁶ “Le esia megbe la, Israelviwo zɔ mɔ tso Bene Yaakan yi Mosera afi si Aron ku, eye wodjii dɔ. Aron fe viɲutsu Eleaza zu nunɔla dɛ etefe.

⁷ “Wozɔ mɔ yi Gudgoda heyi Yotbata, afi si tsi bɔ dɔ. ⁸ Afi mae Yehowa dɛ Levi fe viwo dɛ aga le be woakɔ nubabladaka si me Yehowa fe Se Ewoawo le, eye woanɔ tsitre dɛ Yehowa nkume awɔ Yehowa fe dɔ, ade bubu efe nkɔ ɲu abe ale si wowɔna egbe ene. ⁹ Eya ta womena anyigba Levitowo le ɲugbedodonyigba la dzi abe ale si wona wo nɔvi to bubu me tɔwo ene o, elabena Yehowa, miafe Mawu gblɔ na wo be ye ɲutɔe nye wofe domenyinu. ¹⁰ Abe ale si megbɔ do ɲgɔe ene la, menɔ to la dzi le Yehowa nkume zi evelia ɲkeke blaene kple zã blaene, abe ale si mewɔ zi gbãtɔ ene. Yehowa dɔ to nye kokofofo, eye metsrɔ mi o.

¹¹ “Ke egblɔ nam be, ‘Tso, nàkplɔ amewo yi anyigba si ɲugbe medo na wo fofowo la dzi. Ʋeyiɣi la de be woayi aɔaxɔe!’ ”

Vɔ Afetɔ la

¹² “Azɔ, Israel, nu ka Yehowa, wò Mawu la di tso asiwò wu be nàvɔ Yehowa, wò Mawu la, nàzɔ le efe mɔwo katã dzi, nàlɔe, eye nàsubɔe kple wò dzi blibo kple wò luɔ blibo, ¹³ eye nàwɔ dɛ Yehowa fe sewo kple dɔdɔ siwo katã mena mi egbe la dzi ale be wòanyo na wò? ¹⁴ Kpɔ dɔ, anyigba kple dzifo fe kɔkɔfe kekeake nye Yehowa, wò Mawu la tɔ. ¹⁵ Ke mia fofowo fe nu nyo eɲu, eye wòlɔ wo ale gbegbe be wòtia mi, wo viwo, be miafo dukowo katã ta abe ale si wòle dzedzem egbe ene, ¹⁶ eya ta miko miafe

nu v̄o dziwo ̄nu, eye miadzudzo kolialiatowo fe agbenoɔ.

¹⁷ “Yehowa, miafe Mawu lae nye mawuwo dzi Mawu gā, ̄n̄s̄ēto la, Mawu si ̄nu ̄n̄dzi le, ame si medea ame ādeke dzi o, eye mexōa zānu hā o. ¹⁸ Ewōa nu dzodzoe na tsȳōviwo kple ahosiwo. El̄ōa amedzrowo, eye w̄ōnaa nūdūdu kple nutata wo. ¹⁹ Ele be miawo hā mial̄ō amedzrowo, elabena miawo hā mienye amedzrowo le Egiptenyigba dzi kpo. ²⁰ Ele be miav̄o Yehowa, miafe Mawu la, miasuboe anukwaret̄oe, mialé ̄de en̄u, eye miaka atam ̄de eya ̄dēde ko fe ̄n̄ko dzi. ²¹ Eyae nye w̄o kafukafu, eye w̄ōganye w̄o Mawu, ame si w̄o nukunu gā siwo tefe miawo ̄n̄uto miekpo. ²² Mia fofowo dometo ame blaadre koe yi Egipte, gake azo la, Yehowa, miafe Mawu la w̄o mi miedzi so gb̄o abe ̄ȳletiviwo le dzīngoli me ene!”

11

Mil̄ō Yehowa eye miadō toe

¹ “Ele be n̄al̄ō Yehowa, w̄o Mawu la, eye n̄awo efe sewo katā dzi. ² Mīdō to! Nyemele nu fom fifia na mia viwo, ame siwo mekpo efe tohehe na Egiptetowo alo efe gānyenye kple ̄n̄s̄ē tefe kpo o. ³ Womenō afi ma kpo nukunu siwo w̄owo le Egipte ̄de Farao kple efe anyigba blibo la ̄nu o. ⁴ Womekpo nu si Mawu w̄o Egiptetowo fe avakowo, wofe sōwo kple tasiadamwo, ale si w̄ōnyro wo ̄de Fu Dzi la me esi wodze mia yome kple ale si Yehowa na wofe ̄n̄s̄ē ̄de mia ̄nu nu ku va se ̄de egbenkeke sia dzi o! ⁵ Womekpo ale

si Yehowa kpɔ mia dzi xe sia xi le fe siwo katã me mienɔ tsaglalã tsam le gbedzi va se de esime miedɔ afi sia o. ⁶ Womenɔ afi ma esime Datan kple Abiram, Eliab fe viɔutsuwo kple Ruben fe dzidzimeviwo wɔ nu vɔ, eye anyigba ke nu mi wo, wofe afemetɔwo, agbadɔwo kple wofe nuwo katã le Israelviwo katã nkume o!

⁷ “Ke miawo la, miekpɔ Yehowa fe nukunu gã siawo tefe, ⁸ eya ta wòle be miawo se siwo mele mia nam egbe la dzi pɛpɛpɛ ale be miate ɲu akpɔ ɲusẽ be miayi anyigba si dzi miele gege ge do fifia, eye miaxɔe. ⁹ Ne miewo seawo dzi la, mianɔ agbe didi, eye wòadze edzi na mi le anyigba si ɲugbe Yehowa do na mia fofowo kple miawo kple miafe dzidzimeviwo la dzi. Anyigba la nye anyigba wɔnuku aɖe si dzi ‘notsi kple anyitsi bo do!’ ¹⁰ Anyigba si dzi miage do, eye miaxo la, mele abe Egiptenyigba, afi si mietso, afi si wòhiã le be miadze tɔvu suewo de miafe agblewo me, ana tsi nato wo me hena miafe agblemenukuwo fe wɔwo ene o. ¹¹ Anyigba nyui aɖe si dzi towo kple balimewo le, eye tsi dzana le nyuie la wònye, ¹² anyigba si Yehowa, miafe Mawu la ɲuto léa be na, eye efe ɲku le anyigba la ɲu xe sia xi tso ɲkeke yi ɲkeke le fe blibo la me!

¹³ “Ne miawo de Yehowa fe se siwo katã mele mia na ge egbe la dzi pɛpɛpɛ, eye ne mialɔ Yehowa, miafe Mawu la kple miafe dzi blibo kple miafe luɔɔ blibo, eye miasubɔe la, ¹⁴ ekema agana adametsi kple kelemetsi nadza na mi ale be miate ɲu akpɔ bli fũu kple waintsetse gedewo kple ami so gbɔ. ¹⁵ Ana lãnyife damawo mi hena

miafe lãwo, eye miawo ñuto miakpɔ nu aɖu, aɖi fo nyuie.

¹⁶ “Ke mikpɔ nyuie be miafe dzi nagatrɔ le Yehowa yome be miasubɔ mawu bubuwo o. ¹⁷ Ne miesubɔ mawu bubuwo la, Yehowa fe dɔmedzoe abi ɖe mia ñu, eye wòatu dzifo nu ale be tsi magadza o, eye agblemenukuwo mawɔ o. Ekema miatsrɔ̃ enumake le anyigba nyui si Yehowa na mi la dzi, ¹⁸ eya ta milé se siawo ɖe ta me. Mibla wo ɖe miafe asiwo ñu ale be woanɔ ñku dzi na mi, eye miawɔ wo dzi. Mibla wo ɖe miafe ñgonu le miafe ñkuwo dome. ¹⁹ Mifia wo mia viwo; mifo nu na wo tso wo ñu ne miele afe me, ne miele tsa ɖim, le anyimlɔ̃xi kple do ñgɔ na ñdinuɖuɖu! ²⁰ Minlɔ wo ɖe miafe vɔtrutiwo ñu le miafe afewo me kple miafe agbowo ñu, ²¹ ale be zi ale si dzingɔli anɔ anyi le mia tame ko la, mi kple mia viwo miakpɔ gome le agbe vivi si le mia lalam le anyigba si ñugbe Yehowa do na mia fofowo la dzi.

²² “Ne miewɔ ɖe se siwo katã mede na mi dzi pɛpɛpɛ, ne mielɔ̃ Yehowa, miafe Mawu la, ne miezɔ ɖe efe ɖoɖowo katã dzi, eye mielé ɖe eɖu la, ²³ ekema Yehowa anya dukɔwo katã ɖa le mia ñgɔ, aleke gbegebe woasɔ gbɔ wu mi, eye woasẽ wu mi hã! ²⁴ Afi sia afi si miadɔ afɔe la, anyigba la anye mia tɔ. Miafe lifowo akeke tso Negeb fe anyigbeme ayi Lebanon, agatso Frat tɔsisi la ñu, ayi Domefu la ñu. ²⁵ Ame aɖeke mate ñu anɔ te ɖe mia nu o, elabena Yehowa, miafe Mawu la ade vɔvɔ̃ ameawo me ɖe mia ñu do ñgɔ na mi, afi sia afi si miayi abe ale si wòdo ñugbe na mi ene tututu.

26 “Kpɔ ɖa, metsɔ yayra kple fifode le mia ɲkume ɖom egbea be miatia. 27 Miaxɔ yayra ne miewɔ Yehowa, miafe Mawu la fe se siwo metsɔ le mia nam egbe la dzi, 28 ke fifode ava mia dzi ne miegbe seawo dzi wɔwɔ, eye miesubɔ dukɔ bubu siawo fe mawuwo. 29 Ne Yehowa, miafe Mawu la kplɔ mi yi anyigba la dzi be miaxɔe la, ekema woade gbefã yayra le Gerizim to dzi, eye woade gbefã fifode le Ebal to dzi! 30 Gerizim kple Ebal wonye towo le Yɔdan tɔsisi la fe ɲetɔɖofe lofo, afi si Kanaantɔwo le, le gbegbe si te ɖe Gilgal ɲu, afi si More fe ati gãwo le. 31 Mitso Yɔdan tɔsisi la, eye mianɔ anyigba si Yehowa, miafe Mawu le mia nam la dzi. 32 Ke ele na mi be miawɔ ɖe se siwo katã mele mia nam egbea la dzi.”

12

Tefe ɖeka si ko woasubɔ Mawu le

1 “Esiawoe nye se siwo dzi wòle be miawɔ tegbetegbe ne mieva ɖo anyigba si Yehowa, mia fofowo fe Mawu la na mi la dzi.

2 “Ele be miagbã trɔwo fe vɔsamlekpuwo le afi sia afi si miakpɔ wo le, le towo dzi loo, le togbewo tame loo, alo le ati damawo te. 3 Migbã wofe vɔsamlekpuwo kple wofe legbawo. Mitɔ dzo wofe afeliwo. Mimu wofe legba siwo wotsɔ ga tu la fu anyi. Migagblẽ naneke si aɖo ɲku wofe trɔwo dzi na mi la ɖi o. 4 Miekpɔ mɔ asa vɔ na Yehowa, miafe Mawu la le afi sia afi ko abe ale si trɔsubɔlawo sãa vɔe na wofe mawuwo ene o, 5 ke boɲ mitu kokɔefe aɖe ɖe afi si Yehowa, miafe Mawu ɲuto afia

asii na mi abe efe afe ene le miawo ɲuto mia dome. ⁶ Afi mae miatsɔ miafe numevɔsawo kple vɔsa bubuawo, miafe nukpɔkpɔ fe akpa ewolia, miafe vɔsa siwo woatsɔ ana Mawu to wo nyenye le yame le vɔsamlekpui la ɲɔ me, miafe adzɔgbedefewo, lolɔnununanawo kple miafe lãwo fe ɲɔgbeviwo ayi. ⁷ Afi mae miawo kple miafe fometɔwo miadɔ kplɔ ɔ le Yehowa, miafe Mawu la ɲkume, eye miatsɔ aseye le nu siwo katã wɔwɔ na mi la ta.

⁸ “Azɔ la, migalé miafe mɔwo atsɔ abe ale si miele wɔwɔm fifia ene, eye ame sia ame le nu si wɔbu be enyo la wɔm o, ⁹ elabena se siawo mebla mi haɔe o va se ɔe esime miadɔ dzudzɔfe si Yehowa miafe Mawu ana mi. ¹⁰ Ke ne mietso Yɔdan tɔsisi la heɔ ɲugbedodonyigba la dzi, eye Yehowa, miafe Mawu na dzudzɔ mi, eye wɔna mievo tso miafe futɔwo katã fe asi me la, ¹¹ ekema ele be miatsɔ miafe numevɔsawo kple vɔsa bubuawo katã ayi kɔkɔefe la, afi si eya ɲuto atia abe efe nɔfe ene. ¹² Miawo kple mia viɲutsuwo kple mia vinyɔnuwo kple miafe dɔlanɲutsuwo kple dɔlanyɔnuwo miatsɔ aseye le afi ma le Yehowa, miafe Mawu ɲkume. Miɔ ɲku edzi miakpe Levitɔwo be woawu nu kpli mi, elabena anyigba aɔeke mele woawo ya si o.

¹³ “Mele be miasa miafe numevɔwo le afi sia afi ko o; ¹⁴ misa wo le tefe si Yehowa ɲuto atia ko. Atia tefe aɔe tso afi si woma na toawo dometɔ ɔka la me. Afi ma ko miasa vɔ le, eye miatsɔ miafe nunanawo ayi. ¹⁵ Aleke wɔle hã la, miate ɲu awu lãwo le miafe du ɔe sia ɔe me, aɔ lã

si sinu mielõ, abe ahlõe alo zi ene, le yayra si Yehowa, miafe Mawu la na mi la nu. Ame siwo ñuti kɔ kple ame siwo ñuti mekɔ o la siaa ate ñu aɖui faa. ¹⁶ Uu la koe miadɔ o; mina wòatsyɔ ɔe anyigba abe tsi ene.

¹⁷ “Migaɖu miafe bli, ano wain yeye, alo ami fe ewolia o, miafe alẽha alo nyiha fe ñgɔgbeviwo kple nu sia nu si miede adzɔgbe be miana, lolõnununana loo alo nunana tɔxewo le mia ñutɔwo fe du me o. ¹⁸ Woatsɔ nu siawo katã va vɔsamlekpui la gbɔ, afi si miawo, mia viñutsuwo kple vinyɔnuwo, miafe dɔlanɔtsuwo kple dɔlanyɔnuwo kple Levitɔwo tso miafe duwo me, miadɔ wo le, le Yehowa, miafe Mawu la ñkume. Yehowa agblɔ afi si vɔsamlekpui la aɔ la na mi. Mitso aseye le Yehowa, miafe Mawu la ñkume le nu sia nu si miawɔ la me. ¹⁹ Mikpɔ nyuie be miaganlɔ Levitɔwo be o, zi ale si mienɔ miafe anyigba dzi.

²⁰ “Ne Yehowa, miafe Mawu la keke miafe lifowo ɔe edzi abe ale si wòdo ñugbee ene la, miate ñu aɖu lã xe sia xi si mielõ. ²¹ Ne tefe si miesubɔa Mawu le didi akpa la, ekema xe sia xi si mielõ la, miate ñu awu nyi alo alẽ si Yehowa tɔ na mi, eye miadɔ lã la le afe me abe ale si mede se na mi la ene. ²² Ame si ñuti kɔ kple ame si ñuti mekɔ o hã ate ñu aɖu lã ma abe ale si wòadɔ zi alo ahlõe fe lã ene, ²³ gake migaɖu lã si me vu le la o, elabena lã fe agbe le efe vu me, eye mele be miadɔ agbe la kple lã la o. ²⁴ Migawɔ lã fe vu ñu dɔ abe nuɖuɖu ene o, ke bon mitsyɔe ɔe anyigba abe tsi ene. ²⁵ Ne miewɔ se sia dzi la,

miadze Yehowa ɲu, eye nu sia nu adze edzi na mi kple miafe dzidzimeviwo siaa. ²⁶ Mitsɔ miafe vɔsawo kple nu siwo ɲugbe miedo na Yehowa la yi ɔe Mawusubɔfe ɔeka ma. ²⁷ Mitsɔ vɔsa siwo woame, woafia kenken la da ɔe Yehowa miafe Mawu fe vɔsamlekpuɔi dzi. Mitsɔ vɔsa siwo fe lã miadɔ, eye miako bu la ɔe vɔsamlekpuɔi la dzi la hã yi afi ma ke. ²⁸ Miwɔ se siwo katã mede na mi la dzi pɛpɛpɛ anukwaretɔe ekema nu sia nu adze edzi na mi kple miafe dzidzimeviwo nyuie tegbetegbe, elabena mianɔ nu si dzɔ, eye wɔdzea Yehowa ɲu la wɔm.

²⁹ “Yehowa, miafe Mawu la atsrɔ dukɔwo ne miege ɔe wofe anyigbawo dzi. Miawɔ wofe anyigba, eye mianɔ edzi. ³⁰ Ne Yehowa tsrɔ dukɔ mawo vɔ la, mikpɔ nyuie be miewɔ ɔe wofe mawusubɔsubɔ fe kɔnyinyiwo dzi o, elabena wo dzi wɔwɔ ahe ku ve na mi. Migadze agbagba be yewoanya ale si wosubɔa wofe mawuwo, ale be yewo hã yewoasubɔ le mɔ ma dzi o. ³¹ Migasubɔ Yehowa, miafe Mawu la le mɔ si dzi wosubɔa wofe mawuwo le la o, elabena le wofe mawusubɔsubɔ me la, wowɔa nu dziɲɔ siwo Yehowa lé fue. Wotsɔa wo viwo gɔ hã sãa vɔe le dzo si le wofe vɔsamlekpuɔi dzi la me.

³² “Miwɔ se ɔe sia ɔe si mede na mi la dzi. Migakpe naneke ɔe wo ɲu o, eye migadɔe naneke le wo me hã o.”

13

Mawu bubuwo subɔsubɔ

1 “Ne nyagblodjila ađe le mia dome alo ame si gblona be yeate ɲu anya nu si le dzodzɔ ge to drɔ̃ekuku me, 2 ne efe nyagblodjiwo vaa eme, gake wògblona be, ‘Miva, mina míasubɔ dukɔ bubuawo fe mawuwo’ la, 3 migadɔ to efe nya o. Yehowa miafe Mawu le mia dome be yeanya ne mielɔ̃ ye le nyatefe me kple miafe dzi blibo kple luɔ blibo loo alo mielɔ̃e o. 4 Migasubɔ mawu bubu ađeke gbedegebede o. Misubɔ Yehowa miafe Mawu ko. Miwo de eya ko fe sewo dzi, eye mialé de eɲu.

5 “Ele be woawu nyagblodjila alo drɔ̃ekula si dina be yeakplo mi atrae, elabena edina be yeana miadze aglã de Yehowa, miafe Mawu, ame si kplo mi tso kluvinyenye me le Egiptenyigba dzi la ɲu. Ne miwui la, miade nu vɔ̃ da le mia dome. 6 Ne nɔviwò ɲutsu, viwò ɲutsu, viwò nyɔnu, srɔ̃wò lolɔ̃a, alo xɔwò vevito kekeake si le abe wò ɲuto wò luɔ ene agblo na wò le adzame be, ‘Na míayi aɖasubɔ mawu bubuwo (mawu siwo miawo ɲuto kple mia fofowo mienya o, 7 dukɔ siwo fo xlã mi fe mawuwo, mawu siwo te de mia ɲu alo le adzoge vɔ̃i, tso anyigba fe sefe deka yi efe sefe bubu’ la), 8 migalɔ̃ o, eye migakpɔ nublanui ne hã o. Migadee tso to si woahе ne la me o, eye migaxla nya vɔ̃di si wògblɔ na mi la hã o. 9 Miwui! Nànye ame gbãto si atso de ewuwu ɲu, eye ame bubuawo katã fe asi akpe de ɲuwò. 10 Mifu kpee wòaku, elabena edze agbagba be yeahe mi da tso Yehowa, mia Mawu, ame si kplo mi tso kluvinyenye me le Egipte la gbɔ. 11 Ekema Israel katã asee, eye woavɔ̃, eye

ame aḍeke magano mia dome si awo nu vōḍji sia toḡbi ake o.

¹² “Ne miele du siwo Yehowa miafe Mawu na mi me, eye miese ¹³ be yakame aḍewo tso miafe dukɔ me kplɔ miafe dumeto aḍewo trae be, ‘Woasubɔ mawu siwo miesubɔ kpɔ o’ la, ¹⁴ miku nya la gome nyuie. Ne enye nyatefe be nu vōḍji sia va eme la, ¹⁵ ekema ele be miaho ava ḍe du ma ɲu. Miwu dua me tɔwo kple lāwo katā hā. Migbā du la gudugudu. ¹⁶ Le esia megbe la, ele be miafo wofe nuwo katā nu fu ḍe ablo fe titina, eye miato dzo wo. Emegbe la, miato dzo du blibo la abe numevɔsa na Yehowa miafe Mawu, miafe Mawu la ene. Mina du ma tefe natsi anyi nenema: migana woagbugbɔe atu o. ¹⁷ Migatso wofe nuwo dometo aḍeke na mia ḍokuiwo o! Ekema Yehowa miafe Mawu aḍe asi le efe dɔmedzoe heliheli la ɲu, akpɔ nublanui na mi, eye wòawo mi dukɔ gā aḍe abe ale si wòdo ɲugbe na mia toḡbuiwo ene. ¹⁸ Nu si ko ana Yehowa miafe Mawu la nakpɔ nublanui na mi lae nye, ne miedo toe, ne miewo ḍe efe se siwo mele dedem na mi egbe la dzi, eye ne miewo nu si nye nu dzɔdzɔe le Yehowa miafe Mawu ɲkume.”

14

Nu siwo ɲu ko kple nu siwo ɲu meko na ḍuḍu

¹ “Esi wònye Yehowa, miafe Mawu la fe amewo mienye ta la, migasi ɲuti na mia ḍokuiwo gbedegbede abe ale si trɔsubɔlawo wɔna ne wole wofe legbawo subɔm la ene o. Gawu la, ne ame

ku la, mele be mialũ miafe ngonu kple dzodome o. ² Yehowa, miafe Mawu la dɛdɛ ko tɔe mienye. Eyae tia mi be mianye ye tɔ wu dukɔ bubu dɛ sia dɛ le xexea me.

³ “Migaɖu nu siwo nɔti meko o la dometo aɖeke o. ⁴ Lã siwo miate nɔ aɖu la woe nye: nyi, alẽ, gbɔ, ⁵ zi, sɛ, afiã, gbɔ si le gbe me, avugbɔe kple alẽ si nɔa towo dzi. ⁶ Miate nɔ aɖu lã siwo katã fe afokli me fe, eye wodzɔa nu gaɖuna. ⁷ Ke lã siwo fe afokli me fe alo woɖua nu gadzɔna la, migaɖu esiawo ya o, woawoe nye kposɔ, fɔmizi kple xɔfie, elabena togbo be wodzɔa nu gaɖuna hã la, wo fe afokli me mefe dɛ eve o, eya ta wonye lã makomakowo. ⁸ Nenema ke, migaɖu ha hã o, elabena togbo be efe afokli me fe hã la, medzɔa nu gaɖuna o. Mele be miaka asi lã siawo fe kukuawo gɔ hã nɔ o.

⁹ “Tɔmelã siwo ko miekpɔ mo aɖu la woe nye esiwo nɔ adza kple tsro le. ¹⁰ Ke tɔmelã bubuawo katã siwo nɔ tsro kple adza mele o la nye nu makomakowo; migaɖu wo o. ¹¹ Miekpɔ mo aɖu xe dɛ sia dɛ si nɔti ko ¹² negbe hɔ, akaga, akpɔ, ¹³ dodji, avako dzɔto kple yibotowo, akpaviã fomevi vovowo, ayisu fomevi dɛ sia dɛ, ¹⁴ akpaviã fomevi dɛ sia dɛ, ¹⁵ golo, sagbadre, tsalẽ kple avako fomevi dɛ sia dɛ, ¹⁶ ulukuku, fovievuto kple aɔɔxi, ¹⁷ aluge, akaga kple tsimese, ¹⁸ damixe kple ako fomevi dɛ sia dɛ, agudzixe kple dro.

¹⁹ “Nudzodzoewo katã kloe nye nu makomakowo, eya ta miekpɔ mo aɖu wo o. ²⁰ Ke miekpɔ mo aɖu xe siwo katã nɔ ko.

21 “Migaḍu naneke si ku le edokui si o, Ke amedzro si le mia dome la ate ɲu aḍui. Miate ɲu atsɔe nɛ alo adzrae nɛ, gake miawo ɲuto ya migadui o, elabena mienye dukɔ kɔkɔe na Yehowa, miafe Mawu la.

“Migaḍa gbõvi le dadaa fe notsi me o.”

Nuwo fe akpa ewolia nana

22 “Ele be miana miafe agblemenukuwo fe ewolia fe sia fe pɛpɛɛ. 23 Mitsɔ agblemenukuwo fe ewolia sia va ḍu le Yehowa, mia Mawu la ɲkume le tefe si wòatia abe efe kɔkɔefe ene. Nu siawoe nye miafe bli, wain yeye, ami kple miafe alẽwo kple nyiwo fe ɲgɔgbeviwo. Nu ewolia nana fe taḍodzinue nye be, miatsɔ tefe gbãtɔ na Yehowa, miafe Mawu la le miafe agbenɔɔ me. 24 Ne tefe si Yehowa miafe Mawu tia abe efe kɔkɔefe ene didi ale gbegbe be manɔ bɔbɔe be miatsɔ miafe nuwo fe ewolia ayi afi ma ke o la, 25 ekema miate ɲu adzra miafe agblemenukuwo kple lãwo fe ewolia, eye miatsɔ ga la ayi Yehowa miafe Mawu fe kɔkɔefe la. 26 Ne miedɔ afi ma la, ekema mitsɔ ga la fle nyitsu ḍeka kple alẽ ḍeka, eye miadze wain alo aha sesẽ aḍe, miadɔ nu le afi ma le Yehowa, miafe Mawu la ɲkume, eye miatso aseye kple miafe afemetowo.

27 “Miganlɔ be, eye miagbe miafe ga la fe akpa aḍe nana Levitɔ siwo le mia dome o, elabena domenyinuu alo agblemenukuwo aḍeke mele woawo si abe miawo ene o.

28 “Le fe etõlia ḍe sia ḍe me la, ele be miawo miafe nuwo fe ewolia katã ɲu ḍɔ hena ḍowɔwo

le miafe nutowo me. ²⁹ Mitsɔe na Levitɔwo, ame siwo si domenyinu aɔeke mele le mia dome o alo miatsɔ wo ana amedzro, ahosi alo tsyɔevi siwo le miafe du me ale be woaɔu nu aɔi fo. Ekema Yehowa, miafe Mawu la ayra mi kple miafe dɔwɔwɔwo.”

15

Se le Sabatfe ŋuti

¹ “Le fe adrelia ɔe sia ɔe fe nuwuwu la, woate fli ɔe fe sia fe me. ² Nudonamela ɔe sia ɔe aŋlo ɔe agbalẽ si Israelvi si nye nudola la na la dzi be, ‘Eɔo nu sia nu tefe pɛpɛpɛ,’ elabena Yehowa tso nu sia nu ke ame sia ame. ³ Ke tsɔtsɔke sia melo amedzrowo ya ɔe eme o. ⁴ Nudonamela aɔeke maɔo ko le tsɔtsɔke sia ta o, elabena Yehowa miafe Mawu akɔ yayra geɔe ɔe mia dzi le anyigba si wɔle mia nam la dzi, ne miewo efe sewo dzi. ⁵ Nu si hiã na efe yayra sia xoxo koe nye miawo Yehowa, miafe Mawu la fe se siwo katã mele dedem na mi egbe la dzi pɛpɛpɛ. ⁶ Yehowa miafe Mawu ayra mi abe ale si wɔdo ŋugbe ene. Miado ga na dukɔ geɔewo, gake mahiã gbedegbede be miawo ya miado ga o! Miadu dukɔ geɔewo dzi, gake woawo ya maɔu mia dzi o!

⁷ “Ke ne mieva ɔo anyigba si Yehowa miafe Mawu ana mi dzi, eye ame dahe aɔewo le mia dome la, mele be miasẽ dzi me alo amia asiwlome ɔe ame daheawo ŋu o. ⁸ Ele be miado nu sia nu si woahiã la na wo. ⁹ Mikpo nyuie! Migagbe gadodo na ame, elabena fe si me woate fli ɔe fewo me la gogo o! Ne miegbe gadodo na hiãto la,

eye hiãto la fo koko na Yehowa la, Yehowa abui na mi nu võe. ¹⁰ Ele be nàdo nu si hiãto la hiã la ne, eye mègafa konyi tso enu hã o! Elabena Yehowa wò Mawu ana nuwo nadze edzi na wò le nu sia ta! ¹¹ Ame dahe aḍewo anò mia dome xe sia xi kokoko. Esia ta se sia le vevie ḍo. Ele be mianyo ḍo me, ado nu na wo.”

Ablòḍenana Hebritò siwo nye kluviwo

¹² “Ne èfle kluvi aḍe si nye Hebritò, ntsu alo nyonu la, ele be wòasubò wò fe ade, eye nàna ablòḍee le fe adrelia me. ¹³ Mègana wòayi asi fuflu o! ¹⁴ Do mœ kple lã aḍewo tso wò lãha la me kple ami tso wò amidafe kple wain tso wò wainfiawe. Na nui ḍe ale si Yehowa wò Mawu ayra wòe la nu. ¹⁵ Miḍo nku edzi be mienye kluviwo le Egiptenyigba dzi kpò, eye Yehowa, miafe Mawu la ḍe mi! Eya tae mele se sia dem na mi.

¹⁶ “Ke ne Hebrì kluvi la medi be yeadzo le gbòwò o, ke boṅ wògblo be yelõ wò, wò afemenonò dze edzi na ye, eye wò beléle na ye dze ye nu la, ¹⁷ ekema nàtsò nuṅonu anò to ne amimi ḍe uòtru nu, ekema le esia megbe la, kluvi la atsi gbòwò ḍikaa. Wò nenema ke na wò kosiwo hã. ¹⁸ Ne èḍe asi le kluvi aḍe nu la, mègana wòave wò o, elabena ḍo nku edzi be kluvi ḍeka ma wò agbatedòwòla eve fe ḍo na ye le fe adeawo me! Yehowa, wò Mawu la ayra wò òwòwòwo katã ḍe esi nèna ablòḍe wò kluvi la ta!”

Lãwo fe ngogbeviwo

19 “Ele be nàkɔ wò alẽwo kple nyiwo fe ngɔgbevi siwo nye atsu la ɲu na Yehowa, wò Mawu la. Mègana wò nyitsu si nye ngɔgbevi la nawɔ dɔ le agble me o, eye mègako fu le wò alẽwo kple gbõwo fe ngɔgbeviwo ɲu o. ²⁰ Le esia tefe la, ele be wò kple wò fometɔwo miaɖu lã siawo le Yehowa, wò Mawu la ɲkume fe sia fe le efe kɔkɔefe la. ²¹ Ke ne mede blibo o, afo ɲe ne, efe ɲku gbã alo nu gblẽ le efe tefe bubu aɖe ɲu la, mèkpɔ mɔ atsɔe asa vɔe na Yehowa wò Mawu o, ²² ke boɲ ðui kple wò fometɔwo le afe me. Ame sia ame ate ɲu aɖu lã sia faa ne amea ɲu mekɔ le xe ma xi me o hã, abe ale si ame sia ame ate ɲu aɖu sɛ kple zi ene, ²³ gake migadɖu lã la fe vu ya o, ke boɲ mina wòadɖu ðe anyigba abe tsi ene.”

16

Nutitotonkekenyui la

¹ “Ðo ɲku edzi nàɖu Nutitotonkekenyui la le xleti gbãto me, elabena xleti ma mee Yehowa, wò Mawu la kplɔ mi dzoe le Egipte le zã me. ² Wò Nutitotonkekenyui la fe vɔsa nanye alẽwo loo alo nyiwo, eye nàsa vɔ la na Yehowa, wò Mawu la le kɔkɔefe la. ³ Miɖu vɔsalã la kple abolo mavamavã. Ðu abolo mavamavã ɲkeke adre abe ɲkuɖoɖo abolo si miedu esi mienɔ sisim tso Egipte la dzi ene. Esia naɖo ɲku edzi na wò be, esi mienɔ sisim le Egipte la, mienɔ kplakplakpla dzi ale gbegbe be, xeyixi menɔ anyi be abolo navã o. Ðo ɲku ɲkeke ma dzi le wò agbemenkeke mamleawo katã me!

⁴ Mègana amovātike aḍeke nano wò afe me le ñkeke adreawo me o. Gawu la, mègana Njutitotonḱekeniyui la fe lã la fe akpa aḍeke natsi anyi ñu nake ḍe edzi o.

⁵ “Mègaḍu Njutitotonḱekeniyui la le du siwo Yehowa, wò Mawu la ana wò la dometo aḍeke me o, ⁶ ke boṅ nàḍui le tefe si Yehowa wò Mawu atia abe efe kòkòefe ene. Tso lã la sa vòe le afi ma le ñkekeniyui la fe fiẽ me ne xe ḍo to. ⁷ Me lã la, eye nàḍui le afi si Yehowa wò Mawu atia na wò. Ḍo ta afe me le fòṅli. ⁸ Le ñkeke ade siwo adze eyome me la, màḍu abolo vavã aḍeke o, ke le ñkeke adrelia gbe la, du sia du me tɔwo akpe ta ḍe Yehowa, wò Mawu la ñkume. Mègawo ḍo aḍeke gbe ma gbe o.”

Kòsiḍawo fe Nḱekeniyui

⁹ “Ne èdze wò nukuwo xaxa gòme, eye kòsiḍa adre va yi la, ¹⁰ àgaḍu ñkekeniyui bubu le Yehowa, wò Mawu la ñkume. Nḱekeniyui sia ñkòe nye Kòsiḍawo fe Nḱekeniyui. Le ñkekeniyui sia dzi la, ele be nàwo lólõnuvosa si aso kple yayra si Yehowa, wò Mawu la kò ḍe dziwò le agblemenuku siwo nèxa la fe agbòsòsò nu. ¹¹ Enye xeyixi si dzi nàtso aseye le, le Yehowa wò Mawu ñkume kple wò fometowo kple wò dolanutsuwo kple dolanyonuwo. Mèganlò Levitowo, amedzrowo, ahosiwo kple tseyevi siwo le mia dome la be o. Kpe wo be woava ḍu ñkekeniyui la kpli wò le kòkòefe la. ¹² Ḍo ñku edzi be, ènye kluvi le Egipte kpò, eya ta kpò be yewo se sia dzi.”

Agbadomenkenkenyui

¹³ Ne nunexi wu nu la, àgaḍu nkekenyui bubu si nye Agbadomenkenkenyui, nkeke adre sɔn, ne èklē wò bli, eye nèfia wò wain vɔ. ¹⁴ Èsia anye dzidzɔxi kple aseyetsonkenkenyui na wò kple wò fometɔwo kple wò subɔlawo siaa. Do nku edzi nàkpe Levitɔwo, amedzrowo kple tsyɔ̃viwo kple ahosi siwo le wò du me. ¹⁵ Du nkekenyui sia le kɔkɔefe, afi si dzi Yehowa wò Mawu ato asii. Enye xeyixi vevi aḍe si dzi wòle be nàda akpe tɔxɛ na Yehowa, ḍe ale si wòyra wò le nuku siwo nɛxa kple ale si wòyra wò le mɔ bubu geḍewo nu la ta. Ele be wòanye aseyetsonkenkenyui gã aḍe.

¹⁶ Ele be Israel ntsu ḍe sia ḍe nado ḍe Yehowa, miafe Mawu la nkume, le kɔkɔefe la zi etɔ̃ le fe sia fe me hena nkekenyui siawo ḍuḍu: Abolo Mavamaḃã fe Nkekenyui, Kɔsiḍawo fe Nkekenyui, Agbadomenkenkenyui. Ele be nàtso nunana aḍe vɛ na Yehowa le nkekenyui siawo dometɔ ḍe sia ḍe dzi. ¹⁷ Na nu abe ale si nàte nui ene le ale si Yehowa miafe Mawu yra wòle la nu.

Uɔnudrɔlawo

¹⁸ Do uɔnudrɔlawo kple dzikpɔlawo ḍe du siwo katã Yehowa miafe Mawu le mia nam la me. Woadrɔ uɔnu le dukɔ la fe akpa ḍe sia ḍe me. ¹⁹ Mègatɔ uɔnunya aḍeke be wòade hotsuitɔ aḍeke dzi o, eye mègaxɔ zānu hã gbedegbede o, elabena zānu gbãa nku na nunyalawo kekeake gɔ̃ hã, eye wògblɛa wofe afiatsotso. ²⁰ Ele be nàkpo egbo be wolé nya dzɔdzɔe ko ḍe te. Mɔ

sia nu ko nàto hafi akpɔ dzidzedze le anyigba si Yehowa, wò Mawu la le nawòm la dzi.

Mawu bubuwo subɔsubɔ

²¹ “Mègadjì afeli aɖeke fomevi ɖe Yehowa, wò Mawu la fe vɔsamlekpui la gbɔ, aɖi gbɔe gbedegbede o, ²² eye mègali afeli aɖeke hã o, elabena Yehowa miafe Mawu lé fu wo.

17

¹ “Mègatsɔ nyitsu alo alẽ si le dɔ lém alo esi nane wɔ la sa vɔe na Yehowa, wò Mawu la gbedegbede o. Yehowa, wò Mawu la bua nunana siawo abe nyonyonu ene.

² “Ne ame aɖe, nyitsu alo nyɔnu, le du aɖe me le anyigba blibo la dzi da le wò nubabla si nẽwɔ kple Yehowa wò Mawu dzi ³ to mawu bubuwo, xe, xleti alo xletiviwo subɔsubɔ me, nu siwo ny mede se na mi le vevie la, ⁴ ku nya la me tsitotsito gbã, ne nàkpɔ be ɖikeke aɖe le nya la fe nyatefenyenyeme hã. ⁵ Ne nya la nye nyatefe la, ekema woahẽ nyitsu la alo nyɔnu la ayi dua godo, eye woafu kpee le afi ma wòaku. ⁶ Ke mègawu ame aɖeke le ɖasefo ɖeka pɛ ko fe ɖasediɖi ta o. Ele be ɖasefoawo nade eve alo etɔ kokoko. ⁷ Na ɖasefoawo nafu kpee gbã hafi ame bubuawo nafui. To esia me la, àɖe nu vɔwo katã ɖa le mia dome.”

Vɔnudrɔ̃fewo

⁸ “Ne nya aɖe dzo si sesẽ akpa na wò dɔdrɔ̃, le kpɔɖeɖe me, ne wotsɔ hlɔnya aɖe ɖe ame aɖe ny le esime ɖasediɖi gobii aɖeke mele eɖu o, alo ne wote ame aɖe ɖe eme la, ekema ele be

nàtso nya la ayi Yehowa, wò Mawu la fe kòkòefe,
 9 na nunɔlawo kple Levitowo, eye ɔnudrɔla si le
 nya drɔm le xe ma xi la natso nya la me. 10 Le
 efe nyametsotso megbe la, womagbugbo nya la
 adrɔ o. Woawo de se la dzi nyadenyanui. 11 Ele
 be woawo de ɔnudrɔla la fe nyametsotso dzi
 pɛpɛpɛ. 12 Ne ame si nu wotsɔ nya la do gbe
 be yemaxo nunɔla la alo ɔnudrɔla si Yehowa
 Mawu do na nyadɔdrɔ la fe nyametsotso o la,
 nu si woawo koe nye be woawui. Ele be woade
 nu vɔ wɔla siawo togbi da le Israelviwo dome.
 13 Ekema ame sia ame ase nya si dzɔ de ame
 si gbe be yemaxo Yehowa fe nyametsotso o la
 dzi. Nu sia ana woavɔ, eye womagatsi tsitre de
 ɔnudrɔfe la fe nyametsotso nu o.”

Fia la

14 “Ne eva do anyigba si Yehowa, wò Mawu, le
 na wò ge dzi, eye nɛxɔe la, de asi tamebubu me
 be, ‘Ele be fia nana mia si abe dukɔ bubu siwo
 fo xlã mí la ene!’ 15 Kpo egbo be yeɔo ame si,
 Yehowa, wò Mawu la atia la fia. Ele be wòanye
 Israelvi, menye amedzro o. 16 Kpo egbo be mefle
 so gedewo na edokui o, eye medo efe amewo de
 Egipte be woafle sowo tso afi ma ve na ye hã
 o, elabena Yehowa gbo na wò be, ‘Mègatro yi
 Egipte gbede o.’ 17 Mele be fia la nade srɔ gede
 o; ne menye nenema o la, efe dzi atrɔ da tso
 Yehowa gbo. Mele be wòakpo hotsui gudu hã
 o.

18 “Ne woɔe fia, eye wòno efe fiazikpui dzi
 abe fia ene la, ekema ele be wòanlo se siawo
 katã tso agbalẽ si le Levitowo, ame siwo nye

nunolawo la si me. ¹⁹ Ele be efe seawo fe n̄on̄lo sia n̄an̄o esi xe sia xi, eye wòaxlẽ nu tso eme gbe sia gbe le efe agbe me ale be, wòasrõ ale si wòavõ Yehowa, efe Mawu la to seawo katã dzi wòwò me. ²⁰ Se siawo xexlẽ xe sia xi ana be fia la mabu be yenyo wu Israelvi bubuawo o. Kpe ðe esia n̄u la, axe m̄o n̄e be matr̄o tso Mawu fe seawo gb̄o le m̄o suet̄o kekeake nu o, eye wòana be efe fiadūdu nadidi, eye wòadze edzi. Ekema via n̄utsuwo adu fia ðe eyome.”

18

Nuwo dzɔdzɔ na nunolawo kple Levitowo

¹ “Ðo n̄ku edzi be womana domenyinu nunolawo kple Levit̄o bubuawo abe Israelvi bubuawo ene o. Le esia ta la, ele be woats̄o v̄osa siwo wots̄o va Yehowa fe v̄osamlekpui dzi la kple nunana bubu siwo amewo ats̄o v̄e na Yehowa la akp̄o wo dzii. ² Womehiã domenyinu o, elabena Yehowa nye wofe domenyinu! Esia nye n̄ugbe si Yehowa do na wo! ³ Ele be woats̄o nyitsu kple alẽ ðe sia ðe si woats̄o v̄e na v̄osasa la fe ab̄o, glã kple d̄ogbo na nunolawo. ⁴ Kpe ðe esiawo n̄u la, nunolawo ax̄o nuku siwo wots̄o v̄e hena akpedada na Yehowa. Nu siawoe nye bli yeye, wain yeye, ami kple fu si woko le lãwo n̄uti, ⁵ elabena Yehowa, wò Mawu la tia Levitowo tso to bubuawo dome be woaw̄o sub̄osub̄od̄owo na Yehowa tso dzidzime yi dzidzime.

⁶ “Ne Levit̄o aɔe tso miafe du aɔe me le Israel fe akpa sia akpa, afi si wòle kōn, eye wòyi tefe si Yehowa tia la nyatefe me la, ⁷ ate n̄u asub̄o le Yehowa, Mawu fe n̄ko me abe n̄ovia Levit̄o

bubuawo katã siwo subona le afi ma le Yehowa ñkume ene. ⁸ Ele be woatsɔ vɔsanuwo kple nunana bubuawo nɛ, abe nu si dze be woatsɔ nɛ la ene, eye menye ne nu siawo le ehiãm la ko o.”

Nu madzemadzewo wɔwɔ

⁹ “Ne èva ɔo Njugbedodonyigba Yehowa wò Mawu la le na wò ge dzi la, ele be nàkpɔ nyuie be dukɔ siwo le anyigba la dzi fifia la fe kɔnyinyi vlowo magblẽ kɔ ɔo na mi o. ¹⁰ Le kpɔɔɔnɔ me, ne Israelvi aɔɔ atso via ana be woato dzoe abe vɔsa na anyigba ma dzi towo fe mawuwo ene la, ele be woawui. Mele be Israelvi aɔɔke nanye bokɔɔ, goloɔɔla, zidoedola, dzosala, ¹¹ busudoamela, adzeto, nukala kple ñɔliyoɔla o. ¹² Ame sia ame si awɔ nu siawo la anye ñunyɔnu na Yehowa, eye esi wònye dukɔ mawo wɔa nu siawo tae Yehowa, wò Mawu la aɔɔ wo ɔa. ¹³ Ele be nàzo ale be fɔɔɔɔɔ aɔɔke manɔ wò zozome ñu le Yehowa, wò Mawu la ñkume o.”

Nyagblɔɔɔla la

¹⁴ Dukɔ siwo katã fe tefe nàzo la ɔo to goloɔɔlawo kple bokɔɔwo, ke Yehowa, wò Mawu la maɔɔ mɔ na wò ya be nàwo nu mawo o. ¹⁵ Yehowa wò Mawu ñuto aɔɔ nyagblɔɔla toxe aɔɔ ɔɔ mia dome, tso mia nɔviwo Israelviwo dome abe nye ene. Ele be nàɔo to ame sia, ¹⁶ elabena nu siae wò ñuto nèbia Yehowa wò Mawu le Horeb to la dzi. Èɔɔ kuku le toa te le afi ma be, màgase Yehowa fe ñɔdzigbe la azo loo alo agakpɔ dzo dziɔo ma le to la dzi be yeaku o.

17 Yehowa gblɔ nam be, “Enyo; mawɔ wo biabia dzi na wo. 18 Maɔ nyagblɔɖila aɖe na mi tso mia dome wòanye Israelvi abe wò ene. Magblɔ nu si wòagblɔ la nɛ, eye eyae anye nye nyasela kple nyagblɔla na amewo. 19 Nye nɔto mahe to na ame sia ame si maɔ toe, awɔ nye nya si wòagblɔ nɛ la dzi o. 20 Ke nyagblɔɖila si ada alakpa be yefe nya tso gbonye la aku. Nenema ke nyagblɔɖila ɖe sia ɖe si agblɔ be yefe nya tso mawu bubuwo gbɔ la, aku.”

21 Ne èbia be, “Aleke míawɔ hafi anya ne nyagblɔɖi la tso Yehowa gbɔ loo alo metso egbɔ o?” 22 Nenyɛ be nya si wògbɔ ɖi la meva eme o la, ekema menyɛ Yehowae gbɔ nya la nɛ o, eya nɔtoe kpaɛ. Migado to efe nya aɖeke o.

19

Sitsofeduwo

1 “Ne Yehowa, wò Mawu la tsrɔ dukɔ siwo tefe xɔ ge nàla, eye ne èle wofe duwo kple afewo me la, 2 ekema nàtia du etɔ siwo le anyigba si Yehowa, wò Mawu la le nàwom la titina lofo la na ɖokuiwò. 3 Ɖe mɔwo ɖe wo dome, eye nàma anyigba si Yehowa, wò Mawu la le nawòm abe wò domenyinu ene la ɖe akpa etɔ me, ale be ne ame aɖe wu nɔvia la, wòasi ayi afi ma.

4 “Nu si ta wòle be du siawo nana anyi ɖo la woe nye: 5 Ne ame aɖe kple nɔvia aɖe woyi nake fo ge le ave me, eye fia la dzo le esi, eye wòwu nɔvia la, amewula la asi ayi du mawo dometo ɖeka me, eye wòanao dedie. 6 Ne menyɛ nenema o la, hlɔbɔla la ati eyome kple dɔmedzoe, atui

ne sitsofedu la gbɔ didi akpa, eye wòawui togbo be medze na ku hafi o, elabena menye ɔe wòɔe hafi wu nɔvia o. ⁷ Nu sia ta meɔe na wò be nàtia du etɔ da ɔi na ɔokuiwò.

⁸ “Yehowa wò Mawu akeke wò anyigba la fe lifowo ɔe edzi abe ale si wòdo nɔgbe na togbuiwòwo ene, eye wòatsɔ anyigba blibo si nɔgbe wòdo la na wò. ⁹ Esia aku ɔe ale si nèwɔ efe se siwo katã mele dedem na wò egbe, be nàlɔ Yehowa wò Mawu, eye nàzɔ ɔe efe ɔɔowo nu la dzi. Ne esia va eme la, ele be nàgawo du bubu etɔ Sitsofeduwoe. ¹⁰ Ale nàte nɔ axɔ ame maɔifowo ɔe agbe le anyigba si Yehowa wò Mawu tɔ na wò la dzi, eye bukɔkɔɔi dzodzro fe agba manɔ dziwò o.

¹¹ “Ke ne ame aɔe lé fu nɔvia, de xa ɔi ne hewui, eye wòsi yi sitsofedu siawo dometɔ ɔeka me la, ¹² efe dumemetsitsiwo aɔo du ɔee, ana woakplɔe ava afee, eye woatsɔe ade asi na ame kuku la fe hlɔbiala be wòawui. ¹³ Mègakpɔ nublanui ne o! Ɖe hlɔdolawo katã ɔa le Israelviwo dome! Eya ko hafi nu sia nu ayi edzi nyuie na mi.

¹⁴ “Ne èva ɔo anyigba si Yehowa, wò Mawu la le na wò ge la dzi la, ɔo nku edzi be, mèkpɔ mɔ aho ame aɔeke fe lifotiwo agbugbo wo atu ale be nàfi efe anyigba gbedegebe ɔe.”

Ɖasefowo

¹⁵ “Mègabɔ ɔo ame aɔeke le ɔasefo ɔeka ko fe ɔasediɔi ta o. Ele be ɔasefoawo nade eve godoo; anyo wu ne woade etɔ. ¹⁶ Ne ame aɔe ɔi avatsɔɔase hegblo be yekpɔ ame aɔe

wòwò nu v̄õ esime amea mewò nu v̄õ la o la, ¹⁷ na woakplò ame eveawo ayi nunòlawo kple ɔ̀nɔ̀ndrɔ̀lawo gbò le Yehowa ñkume. ¹⁸ Woabia gbe wo tsitotsito, eye ne wokpò be ɔ̀asefo la ka avatso la, ¹⁹ woahe to si wòbu be woahe na ame keme la hafi la na eya ñuto bon. To mò sia dzi, eye nàde nu v̄õ wòwò ɔ̀a le mia dome.

²⁰ “Ekema ame siwo asee la av̄õ na avatsoɔ̀asedjidi. ²¹ Mègakpò nublanui na avatsoɔ̀asefo aɔ̀eke o. Le nya sia togbiwo me la, se si dzi nàkpòe nye: agbe ɔ̀e agbe tefe, ñku ɔ̀e ñku tefe, aɔ̀u ɔ̀e aɔ̀u tefe, asi ɔ̀e asi tefe, afo ɔ̀e afo tefe.”

20

Avayiyi

¹ “Ne mieyi ava, eye miekpò sòwo kple tasiadawo wosò gbò fũu, eye miekpò avakò si sò gbò wu mia to la, dzidzi megafo mi o! Yehowa, wò Mawu la, ame si kplò wò dedie tso Egipte la li kpli wò. ² Hafi miakpe ava la, na nunòla aɔ̀e natsi tsitre ɔ̀e Israelviwo fe avakò la ñgò, eye wòagblò be, ³ ‘Miɔ̀ tom, mi Israelviwo katã. Migav̄õ ne mieyi ava wò ge egbe o! ⁴ Yehowa, mia Mawu la le yiyim kpli mi! Awò ava kple futò la na mi, eye wòana miadù dzi!’

⁵ “Ekema avakplòlawo afo nu na avawòlawo ale: ‘Mia dometò aɔ̀e tso afe yeye, eye mekò enuti haɔ̀e oa? Ne ele eme nenema la, ekema amea natrò ayi afe! ðewohĩ woawui le ava sia me, eye ame bubu sãa akò wò afe la ñu! ⁶ Mia dometò aɔ̀e de waingble yeye aɔ̀e, eye

meḍu waintsetse aḍeke tso agble la me haḍe oa? Ekema amea naye afe me! Ḍewohĩ woawui le awa sia me, eye ame bubu sãa aḍu efe waintsetse la! ⁷ Ḍe mia dometo aḍe bia nyonu ta nkeke siawo mea? Ekema amea natro ayi afe me, eye wòḍe nyonu la. Ḍewohĩ woawui le awa sia me, eye ntsu bubu aḍe sãa aḍe nyonu si ta wòbia. ⁸ Azò la, mia dometo aḍe le vovõma? Ne ele vovõm la, ekema neyi afe me be màgade vovõ lãme na ame bubuawo o!

⁹ “Ne avakplolawo wu nya siawo gbogblo na ameawo nu la, woḍe gbefã avafiawo fe nkowo.”

Se le duxoxo n̄uti

¹⁰ “Ne èho awa ḍe du aḍe n̄u la, bia tso dua me towo si gbã be woana ta. ¹¹ Ne wolõ ḍe edzi, eye wovu wofe agbowo na wò la, ekema dua me towo azu wò subolawo. ¹² Ne wogbe be yewomawo n̄utifafa kple wò o la, ekema ele be n̄aḍe to ḍe dua. ¹³ Ne Yehowa, wò Mawu la tso du la de asi na wò la, ekema ele be n̄awu n̄tsu ḍe sia ḍe le dua me, ¹⁴ ke àte n̄u agblẽ nyonuwo, ḍeviwo, lãwo kple afunynuwo katã ḍi na mia ḍokuiwo. ¹⁵ Se siawo ku ḍe du siwo mele N̄ugbedodonyigba la n̄uto dzi o la n̄u.

¹⁶ “Ke migana ame aḍeke natsi agbe le N̄ugbedodonyigba si Yehowa wò Mawu tso na wò la dzi o. Na woatsrõ nu gbagbe ḍe sia ḍe. ¹⁷ Na woatsrõ Hititowo, Amoritowo, Kanaantowo, Perizitowo, Hivitowo kple Yebusitowo kenken, abe ale si Yehowa, wò Mawu la de se na wòe ene.

18 “Se sia fe taḡodzinue nye be wòana be anyigba la dzi tɔwo makplɔ mi ade wofe legbawo subɔsubɔ kple wofe kɔnyinyi vɔḡiwo me, eye miato esiawo me awɔ nu vɔ ḡe Yehowa, wò Mawu la ɲu o.

19 “Ne èḡe to ḡe du aḡe la, mègagblẽ wofe kutsetsetiwo o. Na miadɔ kutsetse siwo miate ɲui. Mègana woatso atiawo fu anyi dzodzro o. Atiawo menye futɔwo, eye wòle be nàna woatsrɔ wo o! 20 Ke tso ati siwo fe kutsetsewo womeduna o la fu anyi; woatso wo awɔ atrakpuiwo kple nu siwo ɲu dɔ nàwɔ le aɔa la wɔwɔ me.”

21

Nu si woawɔ ne womenya ta le amewunya aḡe nu o

1 “Ne mieva ḡo ɲugbedodonyigba la dzi, eye wofɔ ame aḡe si wowu da ḡe gbe me la fe kukua, eye ame aḡeke mekpɔ ame si wui o la, 2 ekema ele be miafe ametsitsiwo kple ɔnudrɔlawo nadzidze didime si le tefea kple du siwo te ḡe tefea ɲu la dome. 3 Mina du si te ḡe eɲu wu la fe ametsitsiwo natsɔ nyinɔe ḡeka si womede kɔkuti kɔ na kpɔ o la, 4 ayi balime si tɔsisi aḡe to, eye womede agble ḡi kpɔ o. Woaɲe kɔ nyinɔe la le afi ma.

5 “Nunɔlawo, ame siwo Yehowa, wò Mawu la tia be woawɔ dɔ le yefe ɲkume, ayra amewo, adrɔ ɔɔnu, eye woahɛ to na amewo la 6 nava klɔ asi ḡe nyinɔe la dzi, 7 eye wòagblɔ be, ‘Menye miafe asiwoe kɔ ɔu sia ḡi o, eye miekpɔ hlɔ sia dodo tefe hã o. 8 O! Yehowa, tso nu vɔ ke wò duko Israel, si wò ɲuto nèḡe, eye mègada ame

madifo sia wuwu de dukɔ la dzi o. Tso ame sia fe vukokodji fe nu vɔ ke mí.’ ⁹ Ale nàde fɔdjidji sia da le mia dome to Yehowa fe sewo dzi wɔwɔ me.”

Nyɔnu siwo wolé le ava me la dɛdɛ

¹⁰ “Ne èyi ava, eye Yehowa, wò Mawu la na nèdu futɔwo dzi, ¹¹ eye ne èkpɔ dɛtugbi dɛtugbe aɛ le avaluéleawo dome la, ¹² kplɔe yi wò afe me. Ele be wòaflo ta, aɛ fe, ¹³ aɛ avɔ si wòta hafi wolée la da dji, ata avɔ bubu, eye wòanɔ wò afe me, afa fofoa kple dadaa xleti dɛka blibo. Le esia megbe la, àte ŋu aɛe. ¹⁴ Ke ne èɛe vɔ hafi va kpɔ be meganyo na ye o la, ele be nàna ablɔɛe. Mègadzrae o, eye mègawɔe wò ŋutɔ wò kluvi hã o, elabena ède asi enu xoxo.”

Nu siwo nye ŋgɔgbeviwo to

¹⁵ “Ne srɔ eve le ŋutsu aɛ si, ŋutsua lɔ srɔa dɛka, ke melɔ evelia o, evɔ nyɔnu eveawo katã dzi vi nɛ, eye Via ŋutsu tsitsito dadae nye srɔa si ŋutsu la melɔ o la, ¹⁶ mele be ŋutsu la nana domenyinu Via ŋutsu dɛvito, ame si dada wòlɔ la wòaso gbɔ wu Via ŋutsu tsitsito, ame si dadaa melɔ o la to o. ¹⁷ Ele na ŋutsu la be wòawɔ dukɔa fe sea dzi, eye wòatsɔ Via ŋutsu sueto fe domenyinu fe teɛe eve ana Via ŋutsu tsitsito, elabena eyae nye eɛe ŋusɛ fe gɔmetoto, eye etɔe nye ŋgɔgbevinyenye fe videwo katã, togbo be eyae nye srɔ si fofoa melɔ o la fe ŋutsuvi gbãto hã.”

Nutsuvi dzeaglãwo

18 “Ne viṅutsu sēto, dzeaglã aḍe le ṅutsu aḍe si, meḍoa to fofoa kple dadaa o, togbo be wohea to ne hafi hã la, 19 ekema fofoa kple dadaa nakplɔe ayi dumemetsitsiawo gbo, 20 agblo be, ‘Mía viṅutsu sia sēa to, dzea aglã, eye mewɔa míaḍe gbe dzi o; gawu la, enye ame vlo kple ahanomunɔ.’ 21 Ekema dua me towo afu kpee wòaku. Ne miewɔ alea la, miadɔ nu vɔ sia togbi ḍa le mia dome, eye Israel ḍekakpuiwo katã ase nya si dzɔ eye vɔvɔ aḍo wo.

Se vovovowo

22 “Ne ame aḍe wo nu si dze na ku, eye wode ka ve ne la, 23 mele be efe ṅutilã kukua natsi kadeveti la ṅuti ṅu nake o. Ele be woadji gbe ma gbe ke, elabena Mawu fo fi de ame sia ame si woatsi ḍe ati ṅuti. Mègagblẽ ko ḍo na anyigba si Yehowa, wò Mawu la na wò la o.”

22

1 “Ne èkpɔ ame aḍe fe nyi alo alẽ wòtra mo la, mègawɔ abe ḍe mèkpɔe ene o; kplɔe yi na nutɔ.

2 Ne mènɔya nutɔ o la, kplɔe yi wòatsi gbowò va se ḍe esime nutɔ nava dii, eye naḍe asi le eṅu ne. 3 Nenema kee nàwɔ tedziwo, ame fe nudodo kple efe nu bubu ḍe sia ḍe si nàkpɔ. Kpɔ wo dzi na nutɔwo.

4 “Ne èkpɔ ame aḍe, efe nyi alo tedzi wòdze anyi, eye nutɔ le agbagba dzem be yeafɔe ḍe tsitre la, mègatɔ ko ḍe adzɔge o; yi nàkpe ḍe eṅu!

5 “Nyɔnu mekpɔ mo ado ṅutsuwu o. Nenema ke ṅutsu hã mekpɔ mo ado nyɔnuwu o. Nu sia wɔwɔ nye ṅunyɔnu na Yehowa, wò Mawu la.

⁶ “Ne èkpò xevi aḍe fe atò le anyigba alo le ati aḍe dzi, eye xevi suewo alo aziwo le eme le xevi sueawo dadaa te la, mègalé xevyawo dadaa kpe ḍe xevi sueawo ñu o. ⁷ Ḍe asi le wo dadaa ñu, eye nàlé sueawo ko. Yehowa ayra wò ḍe nu sia ta.

⁸ “Ele be woatò kpò afo xlā xò yeye ḍe sia ḍe si wogba efe tame le gbadza la fe tame kpe ḍo, ale be ame aḍeke magage tso xò la tame, eye wòade hlõfe afea kple afea tò siaa ñu o.

⁹ “Mègafā nuku bubuwo ḍe wò waintiwo dome o; ne menye nenema o la, nukuawo kple waintsetseawo katā azu nu kòkòewo na nunolawo.

¹⁰ “Mègade kòkuti ḍeka ma kò na nyitsu kple tedzi hena dɔwɔwɔ le wò agble me o.

¹¹ “Mègado awu si wolõ kple ka fomevi eve, abe lāfuka kple ḍetika ene o.

¹² “Ele be nàde gbo wò avò tsoṣṣo fe dzogoe eneawo nu.”

Srõḍeḍe fe sewo dzi dada

¹³ Ne ñutsu aḍe ḍe srõ, eye wòdò egbo, ¹⁴ emegbe wògblò be edò ñutsu gbò kpò do ñgò na srõḍeḍe la, eye wòtso nya ḍe enu be, “Menye ḍetugbi si menya ñutsu kpò wònye hafi meḍee o” la, ¹⁵ ekema ḍetugbi la fofò kple dadaa aḍe ḍetugbi la fe ñutsumanyamanya do ñgò na srõḍeḍe la afia dua fe ɔnudurõlawo. ¹⁶ Ḍetugbi la fofò agblò na wo be, “Metsò vinyenyonu na ñutsu sia be wòade. Eḍee, ke fifia edo vlo ¹⁷ hele ñukpenanyawo gblòm ḍe enuti be enya ñutsu hafi yeḍee. Ke nyatefe la fe ḍeḍefiae nye esi.” Ekema wòakeke nyonu la fe avò me afia

ɔɔnudirɔlawo. ¹⁸ Ekema ɔɔnudirɔlawo aɔe gbe, eye woafɔ nɔtsu la, ¹⁹ eye woana wɔaxe klosalo alafa ɔeka na ɔetugbi la fɔfo, elabena eka avatso ɔe Israel ɔetugbi dzadzɛ aɔe si. Nyɔnu la aganye nɔtsu la srɔ̃, eye nɔtsua mekpɔ mɔ agbee o.

²⁰ Ke ne nya si nɔtsu la tso ɔe enu nye nyatefe be nyɔnu la de nɔtsu aɔe gbɔ kpɔ do nɔɔ na efe srɔ̃ɔeɔe la, ²¹ ekema ɔɔnudirɔlawo akplɔ nyɔnu la ayi fɔfoa fe afememɔnu, afi si dua me nɔtsuwo afu kpee le wɔaku. Ewo nu vɔ̃, eye wɔgblɛ ko ɔo na Israel to gbɔlowɔwɔ me le edzilawo fe afe me. Ele be miade nu vɔ̃ sia tɔgbi ɔa le mia dome.

²² Ne wolé nɔtsu aɔe wɔle ahasi wom la, woawu eya kple nɔtsu keme srɔ̃ la siaa. To mɔ sia dzi la, woade nu vɔ̃ ɔa le Israel.

²³ Ne wobia ɔetugbi aɔe ta hafi nɔtsu bubu de asi enu le dua me la, ²⁴ woakplɔ ɔetugbi la kple nɔtsu si de asi enu siaa ayi du la godɔ, eye woafu kpe wo woaku. Woawu ɔetugbi la, elabena medo xli be woaxɔ na ye o. Woawu nɔtsu la, elabena ede asi nyɔnu si ta nɔtsu bubu bia la nu. ²⁵ Ale nade nu vɔ̃ wɔwɔ ɔa le mia dome. Ke ne wowɔ nu vɔ̃ sia le gbɛdzi, le dua godɔ la, woawu nɔtsu la ɔeɔe ko. ²⁶ Womawu nyɔnu la ya o, ²⁷ elabena woate nu axɔe ase be edo xli, gake ame aɔeke menɔ gbɛdzi le dua godɔ axɔ ne o.

²⁸ Ne nɔtsu aɔe de asi ɔetugbi si ta womɛbia o nu sesɛtɔe, eye wolé wo la, ²⁹ ele be nɔtsu la naxe fe aɔe na ɔetugbi la fɔfo ekema aɔe ɔetugbi la, eye magbee akpɔ o.

³⁰ Nutsu aḍeke mekpɔ mɔ ade asi fofoa fe ahosi ɲu o, elabena fofoa srõe wònye kpɔ.

23

Ame siwo made takpekpe me o

¹ “Nutsu si fe voku gbã alo ɲutsu si fe ɲutsu wolã la mekpɔ mɔ age ɔe Kɔkɔefe la o. ² Ahasivi aḍeke ɲuto alo efe dzidzimevi siwo anɔ dzidzime gbãto va se ɔe ewolia dzi me la mekpɔ mɔ age ɔe Kɔkɔefe la o.

³ “Amonito alo Moabto aḍeke, le dzidzime ewolia megbe gã hã mekpɔ mɔ age ɔe kɔkɔefe la o. ⁴ Nu si ta mede se sia ɔe nye be, dukɔ siawo mena nuɖuɖu kple tsi mí esi mietso Egipte va ɔ wo gbo o. Gawu la, woxe fe na Balaam, Beor fe viɲutsu, tso Petor le Aram Naharaim be wòfo fi ade mí. ⁵ Yehowa wò Mawu meɔto Balaam o, ke boɲ etro fi si wòdi be yeafo ade mí la wòzu yayra na mí, elabena Yehowa lɔ mí. ⁶ Nkeke ale si miele agbe la, mele be miana kpekpeɖeɲu aḍeke Amoritowo kple Moabtowo akpɔ o. ⁷ Ke migado vlo Edomtowo kple Egiptetowo ya o. Mia nɔviwoe nye Edomtowo, eye mienɔ Egiptetowo dome kpɔ. ⁸ Egiptetowo fe dzidzimevi siwo va kpɔ mi la kpɔ mɔ age ɔe Yehowa fe Kɔkɔefe la.”

Ame siwo ɲu makɔ le asaɖa la me o

⁹ “Ne mieyi ava la, ɲutsu siwo le asaɖa la me la mekpɔ mɔ awɔ nu vɔ aḍeke o. ¹⁰ Ele be ɲutsu ɔe sia ɔe si gblẽ kɔ ɔ na eɔkui to ɲutsutsinyenye me le zã me la nado le asaɖa la me, ¹¹ anɔ asaɖa la godɔ va se ɔe fiẽ, ekema ale tsi, eye wòatɔ ava asaɖa la me ne xe ɔ to. ¹² Woawɔ afɔdzidefe ɔe

asaḡa la godo. ¹³ Ele be sofi nano ḡutsu ḡe sia ḡe si. Ne ede afḡdzi la, ele be wḡatsḡ sofi la, eye wḡaku ke atsyḡ afḡdzi la dzi. ¹⁴ Ele be asaḡa la me nano kḡkḡe, elabena Yehowa miafe Mawu zḡna le mia dome be yeadzḡ mia ḡu, eye yeana miafe futḡwo nade ta agu na mi. Yehowa medi be yeakpḡ nu nyḡḡu aḡeke ne yeatrḡ adzḡ le mia gbḡ o.”

Se vovovoawo

¹⁵ “Ne klivi aḡe si dzḡ le efe afetḡ gbḡ la, mḡgazi edzi be wḡatrḡ ayi efe afetḡ gbḡ o. ¹⁶ Na wḡatsi mia dome le du si me wḡadi be yeano eye mḡgatee ḡe anyi o.

¹⁷ “ḡutsu alo nyḡnu si nye gbolo la mekpḡ mḡ ano Israelnyigba dzi o. ¹⁸ Mḡgaxḡ nunana aḡeke tso gbolo aḡeke fe gboloho me alo tso ḡutsu siwo dḡa ḡutsuwo gbḡ la fe ahasiḡo me atḡ na Yehowa o, elabena ame fḡmevi eve siawo nye ḡunyḡ na Yehowa, wḡ Mawu la.

¹⁹ “Mḡgaxḡ deme ḡe nu si nḡdo na nḡviwḡ, Israelvi la ta o, eḡanye ga, nuḡuḡu alo nu bubu ḡe sia ḡe o. ²⁰ Ele be nḡxḡ deme le amedzro si, gake menye le Israelvi aḡeke si o, elabena ne èxḡ deme le nḡviwḡ Israelvi si la, Yehowa, wḡ Mawu la mayra wḡ ne èḡḡ ḡugbedodonyigba la dzi o.

²¹ “Ne èḡe adzḡgbe na Yehowa, wḡ Mawu la, ele be nḡtso ḡe nu si ḡugbe nḡdo ne la wḡwḡ ḡu kaba, elabena Yehowa bia be nḡxe wḡ adzḡgbedḡfewo kaba. Ne mḡwḡ se sia dzi o la, èwḡ nu vḡ. ²² Ke ne mḡḡe adzḡgbe kura o la, mḡwḡ nu vḡ o. ²³ Ne ènya ḡe adzḡgbe ko la, ele be nḡkpḡ egbḡ be yewḡ nu si ḡugbe nḡdo be yeawḡ

la kokoko, elabena wò ñutɔe tia nu si nàwɔ, eye Yehowa, wò Mawu lae nède adzɔgbe na.

²⁴ “Ne èyi ame bubu ađe fe waingble me la, àte ñu ađu efe waintsetse ađi fo, gake mèkpɔ mɔ atso ɔke ade naneke me adzoe o. ²⁵ Se ma kee le bli hã ñuti; àte ñu atso asi aņe bli ve ađewo, gake mègatsɔ nunehɛ aņe hawòvi fe bli o.”

24

Srɔ̀deɔde kple srɔ̀gbegbe fe sewo

¹ “Ne ñutsu ađe srɔ̀ fe nu meganyo enu o la, ñutsu la aņlɔ srɔ̀gbegbalẽ atso na srɔ̀a, eye wòanyae. ² Ne nyɔnu la gađe srɔ̀, ³ eye srɔ̀a evelia hã gagbee alo ku la, ⁴ srɔ̀ñutsu gbãto mekpɔ mɔ agadee o, elabena ñutsu la do ñunyɔ nyɔnu la kpɔ. Nu sia ahe vɔ va anyigba si Yehowa, wò Mawu la le nawòm la dzi.

⁵ “Ne ñutsu ađe ɔe srɔ̀ etefe medidi o la, mègaɔe ɔe ava loo alo nàde ɔo tɔxe ađeke asi ne o. Na wòakpɔ vovo fe blibo ɔeka, ano afe me, eye wòakpɔ dzidzo kple srɔ̀a.”

Sewo le beléle na ame dahewo ñu

⁶ “Se mede mɔ be woaxɔ wɔtute abe awɔbanu ene o, elabena eyae nye ɔwɔnu si naa nuɔɔɔ ame si to wònye. ⁷ Ne ame ađe fi nɔvia Israelvi, eye wòwɔe efe klivi alo dzrae la, ele be amefila la naku ale be nu vɔ nađe ɔa le mia dome.

⁸ “Ele be nàkpɔ egbo be wowo nunɔlawo fe sewo dzi pɛpɛpɛ le anyidzedo, ɔɔdzĩ kple kpodo gome, elabena mede se siwo dzi miawo ɔo nyadenyanui la na nunɔlawo. ⁹ Ɖo ñku nu si

Yehowa, wò Mawu la wò Miriam esi miegbona tso Egipte la dzi.

¹⁰ “Ne èye nane na ame ađe la, mèkpɔ mɔ nàyi efe afe me be yeaxɔ awɔbanu ađeke o. ¹¹ Nɔ afea godo! Na ame si nèye nu la na la nɔto natsɔ awɔbanu la ve na wò. ¹² Ne amea da ahe, eye wòtsɔ efe avɔ na wò abe awɔbanu ene la, mele be nàtsyɔ avɔ la amlɔ anyie o. ¹³ Trɔe yi ne ne ye ɔto, ale be wòate nɔ awɔ enu ɔto le zã me, ekema woayra wò. Yehowa, wò Mawu la abui dzɔdzɔenyenyee na wò.

¹⁴ “Mègate agbatedɔwɔla ađeke ɔto gbede o, edanye nɔviwò Israelvi loo alo amedzro si le wò du me o. ¹⁵ Xe efe fetu ne gbe sia gbe hafi ye naɔto to, elabena esi wòda ahe ta la, ehiã fetu la enumake. Ne mèxee ne enumake o la, afa konyi tso nɔwò, eye Yehowa abui nu vɔe na wò.”

Sewo le tsyɔviwo kple amedzrowo nɔti

¹⁶ “Womawu fofowo ɔto wo viwo fe nu vɔwo ta o, eye nenema ke womawu viwo ɔto wo fofowo fe nu vɔwo ta o. Woawu ame sia ame ɔto eya nɔto ko fe nu vɔ ta.

¹⁷ “Mègate amedzrowo kple tsyɔviwo fe nya dzɔdzɔe ɔto o, eye mègaxɔ ahosi ađeke fe avɔ abe awɔbanu ene o. ¹⁸ Ɖo nku edzi ye sia xi be mienye kluviwo le Egipte kpɔ, eye Yehowa, miafe Mawu la ɔto mi, eya tae mede se sia na mi. ¹⁹ Ne èle wò nukuwo xam le wò agble me, eye nènɔ nuku babla ađe be ɔto agblea me la, mègatɔ yi ɔatsɔe o. Gblɛe ɔto na amedzrowo, tsyɔviwo kple ahosiwo. Ekema Yehowa, wò Mawu la ayra wò asinudɔwo katã

woadze edzi na wò. ²⁰ Ne ègbe kutsetsewo le amiti dzi la, mègatsa atilɔawo dzi zi evelia o. Gblẽ kutsetse siwo atsi atilɔawo dzi la dji na amedzrowo, tsyõeviwo kple ahosiwo. ²¹ Se sia kee le wò wain tsetsewo gbegbe hã nu. Ne ègbe wò wain tsetsewo la, mègatsa le alɔawo dzi zi evelia o, ke boɲ gblẽ kutsetse siwo tsi atia dzi la dji na hiãtɔwo. ²² Ðo ŋku edzi be mienye kluviwo le Egipte kpɔ, eya tae mele se sia dem na mi.”

25

Se le amefofo ŋuti

¹ “Ne dzre dzɔ de ŋutsu eve dome la, ɔɔnudrõla adrõ nya la na wo, atso afia na ame si tɔ dzɔ, eye wòabu fɔ ame si tɔ medzɔ o. ² Ne ɔɔnudrõla la kpɔ be ele be woafɔ agɔdzela la, ekema ana agɔdzela la namlɔ anyi, eye woafɔe le enkume ati xexlẽme ale si dze na agɔdzedze la. ³ Woafɔe zi blaene ko, ke mawu nenema o. Ne woafɔe wu nenema la, tohehe la asẽ akpa, eye wòadji gbõ nɔviwò le wò ŋkume.

⁴ “Mègade ga nu na nyitsu si le agble me le do wom o.”

Se le ame nɔvi fe ahosidede ŋuti

⁵ “Ne ŋutsu aɔde nɔviŋutsu ku, eye vi aɔdeke mele ame kuku la si o la, ahosi la mekpɔ mɔ aɔde srõ tso fome bubu me o, ke boɲ srõa kukua nɔviŋutsu naɔde, eye wòadɔ egbɔ. ⁶ Woabu vi gbãtɔ si ahosi la adzi la abe ame si ku la fe vi ene, ale be ame si ku la fe ŋkɔ mabu le Israel o. ⁷ Ke ne nɔviŋutsu la gbe be yemawɔ yefe dɔdeasi le go sia me o hegbe ahosi la dede la, ekema ahosi la

ayi dumemetsitsiwo gbo, eye wòagblo na wo be, 'Srõnye nõvĩnũtsu gbe be yemana nõvia nũtsu si ku la fe ñko natsi anyi le Israel o. Egbe be yemaðem o.'

⁸ "Dumemetsitsiwo ayõ nũtsu la afo nu kplii tso nya la ñu. Ne egagbe kokoko la, ⁹ ekema nyõnu la ate ðe nũtsu la ñu le ametsitsiawo ñkume, aðe tokota le afo nẽ, eye wòaðe ta ðe mo nẽ. Le esia megbe la, nyõnu la agblo be, 'Nu siae wõa nũtsu si gbe be yematu ye novi si ku la fe afe ðo o.' ¹⁰ Tso gbe ma gbe dzi la, woayõ nũtsu la fe afe me le Israel be, 'Nũtsu si woðe tokota le afo na la fe afe me!'

¹¹ "Ne nũtsu eve le avu wõm, eye ðeka srõ va de srõa dzi helé nũtsu kemẽ ðe asi na srõa la, ¹² ekema woalã nyõnu la fe asi ða. Mègakpõ nublanui nẽ o."

Sewo le nudzidzenuwo ñuti

¹³ "Nudakpe eve tõgbi, esi de tututu kple esi mede tututu o la, meganõ kotoku me na wò o. ¹⁴ Nenema ke dzidzeka eve tõgbi, esi de tututu kple esi mede o la, meganõ asiwò o. ¹⁵ Ke boñ wõ nudakpe kple dzidzeka siwo de tututu la ko ñu ðo, ale be wò ñkekewo nasõ gbo le anyigba si Yehowa, wò Mawu la ana wò la dzi. ¹⁶ Ame siwo katã baa wo nõviwo to nudanu kple dzidzeka mademadewo ñu ðo wõwõ me la nye ñunyõnu le Yehowa, wò Mawu ñkume.

¹⁷ "Mele be nãñlo nu si Amalekitõwo wõ mi esi miegbõna tso Egipte la be gbedegbede o. ¹⁸ Ðo ñku edzi be wowõ ava kpli mi, eye wowu ame siwo ñu ñusẽ vò le, ame siwo ñu ðeði te kple

ame siwo tsi megbe. Womesro Mawu ɗa alo v̄õe o, ¹⁹ eya ta ne Yehowa, wò Mawu la na nèvo tso wò futowo katã fe asi me le ñugbedodonyigba la dzi la, ele na wò be nàtsr̄õ Amaleki fe ñk̄o ɗa kenken le dzifoa te. Mèganl̄o nu sia be gbede o.”

26

Kutsetse gb̄atowo kple nuwo fe ewolia

¹ “Ne èva ɗo anyigba si Yehowa, wò Mawu la le na wò ge la dzi, eye nèx̄oe hele edzi la, ² ele na wò be nàts̄o wò agblemenuku gb̄at̄o siwo nàkp̄o tso anyigba si Yehowa wò Mawu le na wò ge dzi la fe nuku gb̄at̄owo le fe sia fe fe nuñeje me na Yehowa le efe k̄ok̄eje la. ³ Ts̄oe de kusi me yi na nun̄la si le ɗo w̄om xe ma xi, eye nàgb̄l̄o n̄e be, ‘Nunana siae nye nye emevuu fe dzesi be, Yehowa, nye Mawu kpl̄om va ɗo anyigba si ñugbe wòdo na t̄ogbuinyewo la dzi.’ ⁴ Nun̄la la ax̄o kusi la le asiwò ada ɗe Yehowa wò Mawu fe v̄osamlekpuì la dzi. ⁵ Esia megbe la, àgb̄l̄o le Yehowa, wò Mawu la fe ñkume be, ‘T̄ogbuinyewo nye Arameatowo. Wovu yi Egipte le sitsofedidi ta. Wonye ame v̄e aɗewo ko, ke wova zu duk̄o ḡa aɗe le Egipte. ⁶ Egiptetowo wò fu mí, wò mí kluviwoe, eye wode ɗo ses̄ewo asi na mí. ⁷ Míedo x̄li, fo koko na Yehowa, mía fofowo fe Mawu. Ese míafe gbe, eye wòkp̄o míafe fukpekpe, ɗow̄ow̄o kple ale si wote mí ɗe toe. ⁸ Ets̄o nukunu ḡawo kple asi ses̄e ɗe mí tso Egipte. Esi wòw̄o nukunu ḡa dzin̄owo le Egiptetowo ñkume la, ⁹ ekpl̄o mí tso tefe sia, eye wòts̄o anyigba sia, si dzi “notsi kple anyitsi bo

ḡo” la na mí. ¹⁰ Azṵ la, O! Yehowa, kpṵ ḡa, metṵ nye agblemenuku gbṵtṵ siwo mekpṵ tso anyigba si nḗnam me la fe kpṵḡeṅu ve na wṵ. Ekema nṵtṵ nukuawo ada ḡe Yehowa, wṵ Mawu la ṅkume, eye nṵde ta agu ne. ¹¹ Le esia megbe la, yi nṵḡo kplṵ kple nu nyui siwo katṵ Yehowa, wṵ Mawu la na wṵ. Na wṵ fometṵwo kple Levitṵwo kple amedzro siwo le mia dome la nakpṵ gome kpli wṵ le dzidzṵkpṵkpṵ la me.

¹² “Je etṵlia ḡe sia ḡe nye fe tṵxe na nuwo fe ewolia nana. Le fe ma me la, ele be nṵtṵ wṵ nuwo fe ewolia katṵ ana Levitṵwo, amedzrowo, tsyṵeviwo kple ahoṵiwo, ale be woawo hṵ naḡu nu nyuie. ¹³ Ekema nṵgbṵ le Yehowa, wṵ Mawu la ṅkume be, ‘Metsṵ nye nuwo fe ewolia katṵ na Levitṵwo, amedzrowo, tsyṵeviwo kple ahoṵiwo abe ale si nḗḡo nam ene. Nyemeda le wṵ se aḡeke dzi loo alo ṅṵ ḡeke be o. ¹⁴ Nyemeka asi nu ewolia fe ḡeka ṅu esi nye ṅuti mekṵ o, le kpṵḡeṅu me, esi menṵ fu nyim o, eye nyemetṵ ḡeke na ame kukuwo hṵ o. Meḡo to Yehowa, nye Mawu la, eye mewṵ nu sia nu si nḗḡo nam. ¹⁵ Kpṵ mí ḡa tso wṵ nṵfe kṵkṵe la le dzifo, eye nṵyra Israelviwo kple anyigba si nḗtṵ na mí abe ale si nḗdo ṅugbe na mṵa tṵgbuiwo ene. Wṵe wṵanye anyigba si dzi notsi kple anyitsi bṵ ḡo.’ ”

Wṵ ḡe Yehowa fe sewo dzi

¹⁶ “Ele be nṵwṵ se kple ḡḡo siwo katṵ Yehowa, wṵ Mawu la le nṵwom egbe la dzi kple dzi wṵ blibo. ¹⁷ Èvu eme egbe be Yehowae nye wṵ Mawu, eye nḗdo ṅugbe egbe be, yeawṵ efe sewo kple ḡḡowo dzi, eye yeawṵ nu sia nu si wṵgbṵ

na ye be yeawo. ¹⁸ Yehowa hã vu eme egbe be ànye yefe dukɔ abe ale si wòdo ñugbe ene, eye wòbia tso asiwò be nàwo yefe sewo katã dzi. ¹⁹ Ne èwo alea la, awo wò dukɔ gã wu dukɔ bubu de sia de, eye wòana kafukafu, bubu kple ñkɔɔɔ wò. Ke hafi bubu kple ñkɔ sia naɔo ñuwò la, ele be nànye dukɔ kòkɔe na Yehowa, wò Mawu la abe ale si wòdi tso asiwò ene.”

27

Vɔsamlekpui si wotu de Ebal to la dzi

¹ Tete Mose kple Israel fe ametsitsiwo de se bubu na ameawo be woalé se siwo katã yede na wo egbe la me de asi.

² “Ne ètso Yòdan tɔsisi la, eye nèɔo Ñugbedodonyigba la dzi la, de kpe gãwo tso tɔsisi la me, eye nàtso wo awo ñkuɔodzíkpe enumake de tɔsisi la fe akpa kemɛ le Ebal to la gbɔ. Si akalo na kpeawo, ³ eye nàɱlɔ Mawu fe seawo katã de kpeawo dzi, gbe si gbe nèɔo to la godo be nàyi anyigba si Yehowa, wò Mawu la le na wò ge la dzi, anyigba si dzi ‘notsi kple anyitsi bo ɔ,’ abe ale si Yehowa, fofowòwo fe Mawu la do ñugbee ene.

⁴ “Ne ètso Yòdan tɔsisi la la, ɔ kpe siawo de Ebal to la dzi, abe ale si megblo na wò ene, eye nàsi akalo na wo. ⁵ Tu vɔsamlekpui de afi ma na Yehowa, wò Mawu la kple kpe siwo womefu kple gakpo o. ⁶ Tu vɔsamlekpui la kple kpe siwo womekpa o, eye nàsa numevɔ na Yehowa, wò Mawu la de vɔsamlekpui la dzi.

⁷ “Sa ñutifafavo hã ðe edzi, eye nàḍu nu kple dzidzo le afi ma le Yehowa wò Mawu fe ñkume. ⁸ Ñlɔ se siawo katã, ðe sia ðe me nako nyuie ðe ñkuḍodzike sia dzi.”

Fifodewo tso Ebal to la dzi

⁹ Mose kple nunɔla siwo nye Levitowo gblɔ nya siawo na Israelviwo katã be, “O! Israel, ḍo to! Egbe la, èzu Yehowa, wò Mawu la fe dukɔ, ¹⁰ eya ta ele be nàḍe se siwo katã mede na wò la dzi wowo gome egbea.”

¹¹ Mose de se siawo na Israelviwo gbe ma gbe ke.

¹² “Ne mietso Yodan tɔsisi la, eye miedɔ ñugbedodonyigba la dzi la, ame siwo atsi tsitre ðe Gerizim to la dzi, ayra dukɔ la woe nye Simeon, Levi, Yuda, Isaka, Yosef kple Benjamin fe dzidzimeviwo, ¹³ eye Ruben, Gad, Aser, Zebulun, Dan, Naftali fe dzidzimeviwo atsi tsitre ðe Ebal to la dzi afo fi ade ameawo. ¹⁴ Ekema Levitowo atsi tsitre ðe akpa eveawo dome ado ɣli agblɔ na Israel dukɔ blibo la be,

¹⁵ “Ame sia ame si awo legba, eye wòasubɔe nenyɛ le ɣaylafe hã, nenyɛ aklamakpakpe loo alo nu si wololɔ ga tso wɔe, esi mawu siwo katã wowo kple asi nye nu si Yehowa lé fui ta la, Mawu fe fifode nava nu siawo wɔlawo dzi.”

Eye ameawo katã ado ɣli be, “Amen!”

¹⁶ “Mawu fe fifode nava ame sia ame si ado vlo fofoa alo dadaa la dzi.”

Eye ameawo katã ado ɣli be, “Amen!”

17 “Mawu fe fifode nava ame sia ame si aɖpli te fe na lifoti le eya ηuto fe anyigba kple nɔvia tɔ dome la dzi.”

Eye ameawo katã ado χli be, “Amen; neva eme nenema!”

18 “Mawu fe fifode nava ame sia ame si awɔ ηkuagbãtɔ aɖe fe numakpɔmakpɔ ηu dɔ wɔazu vide na eya ηuto la dzi.”

Eye ameawo katã ado χli be, “Amen; neva eme nenema!”

19 “Mawu fe fifode nava ame sia ame si aba amedzro, tsyɔevi kple ahosi aɖe la dzi.”

Eye ameawo katã ado χli be, “Amen; neva eme nenema!”

20 “Mawu fe fifode nava ame sia ame si awɔ ahasi kple fofoa srɔwo dometɔ ɖeka la dzi, elabena fofoa tɔe.”

Eye ameawo katã ado χli be, “Amen; neva eme nenema!”

21 “Mawu fe fifode nava ame sia ame si aɖɔ lã aɖe gbɔ la dzi.”

Eye ameawo katã ado χli be, “Amen; neva eme nenema!”

22 “Mawu fe fifode nava ηutsu si aɖɔ eya ηuto nɔvinyɔnu, eɖanye fofovia alo dadavia gbɔ la dzi.”

Eye ameawo katã ado χli be, “Amen; neva eme nenema!”

23 “Mawu fe fifode nava ame sia ame si ade asi lɔxo a ηu la dzi.”

Eye ameawo katã ado χli be, “Amen; neva eme nenema!”

24 “Mawu fe fifode nava ame sia ame si awu nɔvia le adzame la dzi.”

Eye ameawo katã ado ɣli be, “Amen: neva eme
nenema!”

²⁵ “Mawu fe fifode nava ame sia ame si axo
zãnu be yeawu ame maɖifo la dzi.”

Eye ameawo katã ado ɣli be, “Amen; neva eme
nenema!”

²⁶ “Mawu fe fifode nava ame sia ame si mawo
se siawo katã dzi o la dzi.”

Eye ameawo katã agblo be, “Amen!”

28

Sedziwɔwɔ ɲuti yayrawo

¹ “Ne èwɔ Yehowa, wò Mawu la fe se siwo katã
mele mia nam egbe la dzi pɛpɛpɛ la, awɔ wò
nàzu dukɔ gãto le xexea me, ² eye yayra siawo
katã agbã go de dziwò ne àdo to Yehowa, wò
Mawu la fe gbe. ³ Woayra wò le du me kple
agble me siaa. ⁴ Woayra wò alimeviwo, eye wò
agblemenukuwo, wò lãwo fe viwo, wò nyiwo
kple wò alẽwo siaa adzi de edzi. ⁵ Woayra wò
kusi kple wò amoze. ⁶ Woayra wò ne èva afe me
kple ne èdo go.

⁷ “Yehowa aɖu wò futɔwo dzi le ɲɔwò. Woafɔ
fu alũ de dziwò, gake woaka ahlẽ asi to tefe adre
le ɲɔwò! ⁸ Yehowa ayra wò kple nuku nyuiwo
kple nyi siwo fe lãme nyo. Ana nàkpɔ dzidzedze
le nu sia nu si nàwɔ ne èva do anyigba si Yehowa,
wò Mawu la le nawòm la dzi.

⁹ “Yehowa wò Mawu atrɔ wò nàzu dukɔ kɔkɔe
na eqokui abe ale si wòdo ɲugbe be yeawɔ ne
ànya wɔ de yefe sewo dzi, eye nàzo le yefe
mɔwo dzi la ko ene. ¹⁰ Dukɔwo katã le xexea

me adze sii be Yehowa to nènnye, eye wofo nu aku.

¹¹ “Yehowa ana nu nyuiwo wò le anyigba la dzi ale be viwòwo, wò lãwo kple wò agblemenukuwo nasɔ gbɔ fũu abe ale si wòdo nugbe ene. ¹² Yehowa avu dzifo nu, tsi adza na wò, eye wòana agblemenukuwo wò xe sia xi. Ayra nu sia nu si nàwɔ; àdo nugbana na duko gedewo, gake wò nuto ya mado nugbana le wo si o. ¹³ Ne mianya do to, eye miawɔ Yehowa miafe Mawu fe se siwo mele dedem na mi egbea dzi ko la, Yehowa awɔ wò nazu ta, eye manye asike o; àdu dzi le nu sia nu me xe sia xi. ¹⁴ Ke yayra siawo dometo de sia de ku de ale si mado asi le se siwo mede na wò la dzi wɔwɔ nu le mo adeke nu o la nu. Gawu la, mèkpɔ mo asubɔ mawu bubu adeke gbedegbede o.”

Sedzimawɔmawɔ fe fifodewo

¹⁵ “Ne mado to Yehowa, wò Mawu la fe gbe o, eye mawɔ de efe se kple doɔdo siwo mexlẽ na wò egbea dzi o la, Mawu fe fifode siawo katã ava dziwò, eye woadi nuwò. ¹⁶ Ne èle du me la, adi nuwò eye ne èle agble hã, adi nuwò. ¹⁷ Adi wò kusi kple wò amoze hã nu. ¹⁸ Adi wò alimeviwo, wò agblemenukuwo, wò nyiwo kple wò alẽwo hã nu. ¹⁹ Ne èva afe me la, adi nuwò, ne èdo go hã adi nuwò.

²⁰ “Yehowa nuto afo fi ade wò; àtɔtɔ, eye màkpɔ dzidzedze le nu sia nu si nàwɔ la me o va se de esime wò nuto nàtsrɔ mlɔeba le ale si nèglẽ Mawu di la ta. ²¹ Yehowa akplɔ dovɔ ade dowòme va se de esime nàtsrɔ

ɔa kenken le anyigba si dzi yim nèle la fe ŋkume. ²² Yehowa akplo kpedɔ, ŋudza, lãmedɔ bubuwo, dɔvɔ kple avawɔwɔ ade dowòme. Ana wò agblemenukuwo nayɔ, eye woadzi ŋoviwo. Dzɔgbevɔe siawo katã adze yowòme va se de esime nàtsrɔ, eye nuwò nayi.

²³ “Dzifowo asẽ dzi me abe akɔbli ene de wò tame, eye anyigba anɔ abe gayibɔ ene de tewò.

²⁴ Anyigba la afu abe vuvuedi ene le kuɖiɖi ta, eye ahom atu, eye kekuiwo atrɔ wò.

²⁵ “Yehowa ana wò futɔwo naɖu dziwò. Wò avako afo fu azɔ ayi ava, ke atɔtɔ, aka ahlẽ le futɔwo ŋkume, eye nàtsa tsaglalã le anyigbadzidukɔwo dome. ²⁶ Wò ame kukuwo azu nuɖuɖu na xewo kple gbemelãwo, eye ame aɖeke manɔ anyi anya wo ɔa o.

²⁷ “Yehowa, wò Mawu la aɖo Egiptetɔwo fe fofoe, anyi kple akpa de dowòme, eye atike manɔ anyi na wo dometɔ aɖeke o. ²⁸ Ana tsukuku, ŋkuagbã, vɔvɔ kple dzodzo nyanyanya nadze dziwò; ²⁹ àtsa asi le ŋɔkutsu dzatsi nu abe ale si ŋkuagbãtɔ tsaa asi le viviti me ene tututu. Nu siwo katã nàwɔ la dometɔ aɖeke madze edzi na wò o. Woate wò de to; woada adzo wò enuenu, eye naneke maɖe wò o.

³⁰ “Nutsu bubu sãa aɖe nyɔnu si ta nèbia, ame bubu sãa anɔ afe si nètso la me, eye ame bubu sãa aɖu waingble si nède la me kutsetsewo.

³¹ Woafli wò nyitsuwo fe lã le wò ŋutɔ wò ŋkume, ke wofo lãkɔ kake aɖeke gɔ hã maka nu na wò o. Woanya wò tedziwo dzoe le wò ŋkume, eye womagatrɔ ava gbɔwò gbede o. Woatsɔ

wò alēwo na wò futowo, eye ame aḍeke manɔ anyi axɔ na wò o. ³² Ànɔ viwò ηutsuwo kple viwò nyɔnuwo kpɔm hafi woakplɔ wo adzoe abe kluviwo ene. Wò ηkuwo atsi wo ηu, wò dzi agbã, gake màte ηu awɔ naneke o. ³³ Didife dukɔ aḍe si fe ηkɔ mèse kpɔ gɔ̃ hã o la aḍu wò agblemenuku siwo nɛfã kple kutrikuku geḍe. Woate wò ḍe anyi, eye woafiti wò xe sia yi. ³⁴ Dzɔgbevɔ̃e siwo nàkpɔ woafɔ xlã wò la ana nàku tsu. ³⁵ Yehowa ana fofoe nafɔ wò tso tagbɔ va se ḍe afɔgɔme.

³⁶ “Yehowa, wò Mawu la aḍe aboyo wò kple fia si nàḍo la ayi dukɔ aḍe si ηu wò ηuto kple togbuiwòwo siaa miebu kpɔ o la me, àsubɔ mawu siwo wowɔ kple ati kple kpe. ³⁷ Àzu ηɔdzinu, lodonu kple alɔmedenu le dukɔwo katã dome, elabena Yehowa aḍe wò afu gbe.

³⁸ “Àfã nukuwo fũu, gake nuku υε aḍewo ko nàḅe, elabena υetsuviwo agblẽ wò nukuawo. ³⁹ Àde waingblewo, eye nàwɔ ḍo le wo me kple vevidodo nu, ke màḍu wofe tsetseawo o, eye màno wain si woafia tso wo me hã o, elabena ηɔ aḍu wo. ⁴⁰ Amitiwo amie ḍe afi sia afi, gake màkpɔ ami wòasɔ gbɔ be nàsi na ḍokuiwò gɔ̃ hã o. ⁴¹ Woalé viwò ηutsuwo kple viwò nyɔnuwo abe kluviwo ene adzoe le gbɔwò. ⁴² Uetsuviwo agblẽ wò atiwo kple wò waingblewo. ⁴³ Amedzro siwo le dowòme la anɔ hotsui kpɔm ḍe edzi, ⁴⁴ le esime wò ηuto nàno ahe dam ḍe edzi. Woado nugbana na wò, ke wò ya màdo naneke na wo o! Woawoe anye ta, eye wò ηuto nàzu asike!

⁴⁵ “Fifode siawo katã aḍi ηuwò, eye woanɔ

yowòme va se ɔe esime nàtsrõ kenken le esi nègbe be yemaɔo to Yehowa, wò Mawu o la ta. ⁴⁶ Nɔdzinu siawo ava wò kple wò dzidzimeviwo dzi, eye woanye nusòsrõ na wò. ⁴⁷ Esi mèsubɔ Yehowa wò Mawu kple dzidzɔ le nu nyui siwo katã wòwɔ na wò o la ta, ⁴⁸ Yehowa ana nàzu kluvi na wò futowo le dɔwuame, tsikɔwuame kple amamanɔɔ me. Nu sia nu ahiã wò. Yehowa ade gakokuti kɔ na wò va se ɔe esime wòatsrõ wò ɔa gbidii.

⁴⁹ “Yehowa akplɔ dukɔ aɔe si fe gbe mèse o la tso didife ke, wòava dze dziwò abe ale si hõ dzea efe nuɔduɔu dzi ene. ⁵⁰ Dukɔ sia me tɔwo nye ame nyanyrawo, ame siwo makpɔ nublanui na ɔeviwo alo ame tsitsiwo o. ⁵¹ Woaɔu nu le wò afe me va se ɔe esime wò nyiwo, agblemenukuwo, bli, wain yeye, ami, nyiviwo kple alēviwo navɔ kenken. ⁵² Dukɔ ma aɔe to ɔe wò duwo, eye wòamu wò gli kɔkɔ siwo ŋu nèɔoa ŋu ɔo be woaxɔ na ye la afu anyi. ⁵³ Aɔu wò ŋuto viwò ŋutsuviwo kple viwò nyɔnuviwo fe lã gõ hã le xeyixi võ siwo gbɔna, esime woade to ɔe wò la me. ⁵⁴ Nublanuikpɔnamela gãto siwo le dowòme la asē ŋuta le eya ŋuto nɔvia ŋutsu, srõa lolõa kple via siwo agano agbe la ŋu. ⁵⁵ Mana viawo fe lã si ɔum wòano hã wo o, le ɔototo si va dua me esi futowo ɔe to ɔee ta. ⁵⁶ Wò nyɔnu bɔbɔe si malõ be yeatu afo anyigba na gõ hã o la, agbe mana nu srõa lolõa, via ŋutsuwo kple via nyɔnuwo gõ hã o. ⁵⁷ Ayla amenɔ si le efe atawo dome kple vidzĩ si wòdzi la ɔe wò ale be eya ɔeka nate ŋu aɔu wo le adzame. Le xeyixi si

me woade to de dua la, dowuame kple fukpekpe si wò futowo ahe ve la nu asẽ ɲutoɲuto.

⁵⁸ “Ne egbe mɛwɔ se siwo katã wonɔ de agbalẽ sia me dzi o, eye nɛto esia me gbe, mɛvɔ Yehowa, wò Mawu la fe ɲko si ɲu bubu kple ɲodzi le o la, ⁵⁹ ekema Yehowa ahe dɔvɔ si nu matso o la va wò kple viwòwo dzi. ⁶⁰ Yehowa ahe Egiptetowo fe dɔléle siwo nɛvɔna ɲuto la ava dziwò, eye woaxo anyigba la dzi. ⁶¹ Menye nu siawo de de ko ava dziwò o! Yehowa ahe dɔléle de sia de si le xexea me la, esiwo dzi wometo asii le Segbalẽ sia me o hã ava dziwò va se de esime nàtsrɔ gbidigbidi. ⁶² Togbo be mieso gbo abe ɣletiviwo ene kpo hã la, mia dometo ve adewo koe asuso. Esiawo katã ava eme ne mèdo to Yehowa, wò Mawu la fe gbe o. ⁶³ Abe ale si Yehowa kpo dzidzo le ɲuwò, wo nu wɔnuku mawo na wò, eye wòna nɛdzi so gbo ene la, nenema kee, le ɣeyixi si gbɔna me la, Yehowa akpo dzidzo le ale si wòatsrɔ wò ɲu, eye nàbu le anyigba la dzi, ⁶⁴ elabena Yehowa aka wò ahlẽ de dukowo katã dome tso anyigba la fe sefe deka yi efe sefe bubu. Le afi ma la, àsubo mawu siwo wowo kple ati kple kpe, mawu siwo wò ɲuto kple togbuiwòwo mienya o! ⁶⁵ Le duko mawo dome la, màkpo dzidzeme o, elabena Yehowa ana vɔvɔdzi kple viviti wò, eye wòana nuxaxa kple vɔvɔ nana wò ɲutilã nanyunyo. ⁶⁶ Àtsi dzodzodzo le wò agbe ɲu, àno agbe le vɔvɔ me zã kple keli, eye naneke mana nàxɔe ase be ɲu ake de ye o. ⁶⁷ Le ɲdi la, àgblo be, ‘O! Zã mee wòanye hafi!’ Le fiẽ me la, àgblo be, ‘O! Nkeke

me wòanye hafi! Àgblo nya siawo le ñòdzinu siwo afo xlã wò la ta. ⁶⁸ Ekema Yehowa agbugbo mi ađo ðe Egipte le tòdzivuwo me togbo be edo ñugbe na mi be miagade afi ma o hã hafi! Le afi ma la, miatsò mia ðokuiwo ana woafle abe kluwiwo ene, gake ame ađeke madi be yeafle mi gõ hã o.”

29

Nubabla la wòwò yeyee

¹ Mose gbugbo nubabla si Yehowa wò kple Israelviwo le Horeb to la dzi la gblo le Moab gbedzi.

² Mose yò Israelviwo katã fo fu, eye wògblo na wo be:

Miawo ñuto miekpò nu siwo katã Yehowa wò Farao, enjumewo kple anyigba blibo la le Egipte. ³ Miawo ñuto miafe ñkuwo kpò ðovõwo, dze si wònuwuwo kple nukunu bubuawo, ⁴ gake va se ðe egbe la, Yehowa mena dzi nyanu mi be miase nu gòme o, mena ñku mi be miakpò nu o, eye mena to mi be miase nu o! ⁵ Ekplò mi to gbedzi fe blaene sòñ, gake miafe awuwo medo xoxo o, eye miafe tokotawo te menyi o! ⁶ Nu si ta Yehowa mena mieto ðe tefe ðeka be miafã bli na abolowòwò alo miado waintiwo hena wain kple aha sesè o lae nye be miadze sii be Yehowa, miafe Mawu lae le mia dzi kpòm.

⁷ Esi míeva ðo afi sia la, Fia Sixòn tso Hesbon kple Fia Ɖg tso Basan kpe ava kpli mí, ke míeđu wo dzi; ⁸ míexò wofe anyigba, eye míetsòe na

Ruben fe viwo kple Gad fe viwo kple Manase fe viwo fe afã abe wofe domenyinu ene, ⁹ eye ta milé nubabla sia me nyawo me de asi, eye miawo wo dzi be, nu sia nu si miawo la nadze edzi na mi. ¹⁰ Mi katã, miele tsitre de Yehowa miafe Mawu fe nkume egbe. Miafe kplolawo, bonudrɔlawo, ametsitsiawo kple Israel fe nɔtsuwo katã, ¹¹ vidzɔwo, mia srɔwo, miafe amedzrowo, nakefolawo kple tsikulawo katã mietsi tsitre de Yehowa, miafe Mawu la nkume egbea. ¹² Miele tsitre de afi sia be miawo nubabla kple Yehowa, miafe Mawu la, eye miage de nubabla si wòle wɔwɔm kpli mi egbe la me. ¹³ Edi be yeali ke mi egbe abe yefe dukɔ ene, eye yeaka de edzi na mi be yee nye miafe Mawu, abe ale si wòdo nugbee na mia togbuiwo, Abraham, Isak kple Yakob ene. ¹⁴ Mele nubabla sia wɔm kpli mi, ame siwo le tsitre de afi sia egbe la dede ko o, ¹⁵ ke bon ele ewɔm kple Israel fe dzidzimevi siwo ava dzo hã.

¹⁶ Eme ko fãa be, miedo nku ale si mienɔ Egiptenyigba dzi, ale si miedzoe kple ale si mieto futowo fe anyigba dzi la dzi. ¹⁷ Miekpo wofe mawu dɔgbɔ siwo wowo kple ati, kpe, klosalo kple sika. ¹⁸ Gbe si gbe mia dometo aɔ, nɔtsu alo nyɔnu, fome aɔ alo Israel fe to aɔ atrɔ tso Yehowa, miafe Mawu la gbo be yeasubɔ dukɔ bubuawo fe mawu siawo la, gbe ma gbe la, ame ma anɔ abe ati aɔ si fe ke ave dɔhadɔha, eye wòanɔ abe aɔ ene.

¹⁹ Ne ame sia togbi se atamkaka sia, ewo wòhegblo yayranyawo ko de edokui dzi, eye

wòbu le efe susu me be, “Mano dedie togbo be melé nye mo tso hã” la, esia ahe gbeblẽ ava anyigba si wode tsii kple esi le fufui la siaa dzi. ²⁰ Yehowa makpo nublanui na ame o! Efe dɔmedzoe kple nuavã abi dzo de ame ma nu, eye fifode siwo katã wonlo de agbalẽ sia me la adze ame ma dzi, aɖi enu, eye Yehowa atutu efe nko da le dzifoa te. ²¹ Yehowa aɖe ame ma de vovo tso Israelviwo fe towo katã gbo, eye wòako Segbalẽ sia me fifode de ame siwo katã mazo de nubabla sia nu o la dzi.

²² Ekema mia viwo kple miafe dzidzimevi siwo ava dzo kple amedzro siwo atso didifewo la akpo ale si Yehowa ana anyigba la maganyo nukuwo o kple dɔléle siwo wòado de anyigba la dzi. ²³ Woakpoe be anyigba blibo la tro zu aɔ kple dze kple anyigba fiafia si dzi nuku mele o, eye ati aɖeke memie de edzi hã o, abe Sodom kple Gomora kple Adma kple Zeboyim, du siwo Yehowa tsɔ le efe dɔmedzoe me ene. ²⁴ Amewo abia be, “Nu ka ta Yehowa wo anyigba sia alea do? Nu ka ta wòdo dɔmedzoe nenema gbege do?”

²⁵ Woagblo na wo be, “Elabena anyigba la dzi towo gbe nubabla si Yehowa, wofe togbuiwo fe Mawu la wo kpli wo esi wòkplɔ wo dzoe le Egipte la dzi wowo, ²⁶ elabena wosubo mawu bubuwo, eye nuwona sia tsi tsitre de Mawu fe se la nu. ²⁷ Eya ta Yehowa fe dɔmedzoe bi de anyigba sia nu sesie nenema, ale efe fifode siwo katã wonlo de agbalẽ sia me la di wo nu. ²⁸ Yehowa de wo da kple dɔmedzoe tso wofe anyigba dzi, eye wòtso

wo fu gbe de anyigba bubu dzi, afi si wole va se de egbe.”

²⁹ Nu xaxlawo nye Yehowa, mia Mawu to; ke nu siwo wode fia mi la nye miawo kple mia viwo to tegbee, ale be miawo se sia me nyawo kata dzi.

30

Dzidedzekpokpo na ame siwo vɔa Yehowa

¹ “Ne nu siawo kata, yayra kple fifode siwo mexle na mi va mia dzi, miebu wo nuti esi miele dukɔ siwo me Yehowa, miafe Mawu la nya mi do da la dome, ² eye mi kple mia viwo mietɔ de Yehowa miafe Mawu nu, hede asi efe se siwo kata mede na mi egbe la dzi wowo me kple dzi blibo kple luɔ blibo la, ³ ekema Yehowa, miafe Mawu la ade mi tso aboyome, ave mia nu, eye wɔafo mia nu fu tso dukɔ siwo kata dome wɔakaka mi do la me. ⁴ Togbo be mianɔ anyigba fe mlɔenu ke ha la, ayi adadi mi, eye wɔagakplo mi va ⁵ mia togbuiwo fe anyigba dzi. Anyigba la agazu mia to. Yehowa miafe Mawu agawo nyui na mi, eye wɔagayra mi wu ale si wɔyra mia togbuiwo kpo go ha. ⁶ Yehowa, miafe Mawu la ako mi kple mia viwo kple miafe togbuiwo viwo fe dziwo nuti, ale be miagalɔe kple miafe dzi blibo kple luɔ blibo, eye Israel agagbo agbe. ⁷ Yehowa, miafe Mawu la ade efe fifodewo kata da le mia dzi, eye wɔatɔ wo ako de ame siwo lea fu mi, eye wotia mia yome la dzi. ⁸ Ke miawo la, ele na mi be miatɔ va Yehowa gbo, eye miawo efe se siwo kata mede na mi egbe la dzi. ⁹ Yehowa miafe Mawu ana nu sia nu

si miawo la nadze edzi na mi, eye wòana mia viwo, miafe lãwo kple miafe agblemenukuwo nasɔ gbɔ fũu, elabena Yehowa agakpo dzidzo le mia nu, abe ale si wòkpɔe le mia togbuiwo nu ene. ¹⁰ Yehowa akpo dzidzo ne miawo se siwo katã wonlo de Segbalẽ sia me la dzi, eye miatɔ de Yehowa, miafe Mawu la nu kple miafe dzi blibo kple miafe luɔ blibo ko.”

Mose tso agbe kple ku do Israelviwo nkume

¹¹ “Menye de se siwo dem mele na mi egbea la dzi wowo mele miafe nutete me o, ¹² elabena se siawo mele dzifo vii ale gbegbe be miagblo be, ‘Ame kae ayi dzifo’ atso wo ve na mi, be miase eye miawo wo dzi o. ¹³ Menye de wole atsiafu la godo, eye wodidi tso mia gbɔ ale gbegbe be ame adeke mate nu agblo wo me nyawo na mi o. ¹⁴ Ke bon wote de mia nu kpokploe, wole miafe dzi me kple miafe nu me, ale be miate nu awo wo dzi.

¹⁵ “Kpo da, metsɔ agbe kple dzogbenyui, ku kple dzogbevõe da de mia nkume egbea. Nu siawo ku de miafe sawo dzi wowo kple wo dzi mawomawo nu. ¹⁶ Mede se na mi egbea be mialõ Yehowa, miafe Mawu la, miazɔ le efe mowo dzi, eye mialé efe sewo me de asi, ale be mianɔ agbe, eye miazu dukɔ gã aɖe, ekema Yehowa ayra mi le anyigba si le mia to zu ge la dzi. ¹⁷ Ke ne miafe dzi ato mo bubu, miawo nye sawo dzi o, ne woakplo mi atra mɔe, eye miasubɔ mawu bubuwo la, ¹⁸ ekema mele kpe dom edzi na mi be miatsrõ kokoko. Mianɔ agbe wòadidi, eye

wòanyo na mi le anyigba si xò ge miala la dzi o.

¹⁹ “Meyò dzifo kple anyigba abe òasefowo ene òe mia ñu be egbe la, metsò agbe kple ku, yayra kple fifode le mia ñkume òom, eya ta anyo be miatia agbe ale be miawo kple mia viwo siaa mianò agbe! ²⁰ Mitia be mialò Yehowa, miafe Mawu la. Miaò toe, eye miaku òe enu, elabena eyae nye miafe agbe kple miafe agbemenkekewo fe agbòsòsò. Ekema miate ñu anò dedie le anyigba si Yehowa do ñugbe be yeatsò na mia tògbuiwo, Abraham, Isak kple Yakob la dzi.”

31

Yosua xò òe Mose tefe

¹ Esi Mose wu nya siawo gbògblo nu la, ² egàgblo na amewo be, “Fifa mexò fe alafa òeka kple blaevè. Nùtete megale ñunye be mado go, eye magava eme o, elabena Yehowa gblo nam be nyematso Yòdan tòsisi la o. ³ Ke Yehowa miafe Mawu ñuto akplo mi, atsrò dukò siwo le anyigba la dzi, eye miaðu wo dzi. Yosua nye miafe kplola yeye la abe ale si Yehowa do ñugbe ene. ⁴ Yehowa atsrò dukò siwo le anyigba la dzi abe ale si wòwò Sixòn kple Òg, Amoritowo fe fiawo ene. ⁵ Yehowa atso ame siwo le anyigba la dzi la ade asi na mi, eye miatsrò wo abe ale si meðu na mi ene. ⁶ Misè ñu! Dzi nanò mia fo! Migavò o, elabena Yehowa, miafe Mawu la anò kpli mi. Mada le efe nya dzi o, eye magblè mi òi hã o.”

⁷ Mose yɔ Yosua hegblo ne le Israelviwo katã ñkume be, “Kpɔ ñusẽ! Lé dzi de fo, elabena wòe akplɔ ame siawo ayi anyigba si ñugbe Yehowa do na wo tɔgbuiwo la dzi. Kpɔ egbo be woxo anyigba la. ⁸ Mègavɔ̃ o, elabena Yehowa adze ñgɔ na wò, anɔ kpɔli wò, mada le efe nya dzi o, eye magblẽ wò dji hã o.”

Seawo xexlẽ

⁹ Le esia megbe la, Mose ñlo se siwo wòde na ameawo la, eye wòtso wo na nunɔlawo, Levitowo, ame siwo kɔa nubablaɖaka si me Yehowa fe Se Ewoawo le. Mose tso se siwo wòñlo la na Israel fe ametsitsiwo hã. ¹⁰ Mose bia tso wo si be, “Le fe adre de sia de fe nuwuwu, ɣeyiɣi si woɖo da dji be woatsɔ fewo ake, le Agbadɔmenɔñkekenyui dzi, ¹¹ esime Israelviwo katã ado de Yehowa, Mawu ñkume le tefe si eya ñuto atia la, ele be nàxlẽ se siawo na Israelviwo katã woase.”

¹² Mose yi edzi be, “Yɔ ameawo katã fo fu, ñutsuwo, nyɔnuwo, de viwo kple amedzro siwo le mia dome, be woase Yehowa fe seawo, eye woasrɔ̃ efe lolõnu, ale be miavɔ̃ Yehowa, miafe Mawu la, eye miawo de efe seawo dzi. ¹³ Wɔ esia ale be miafe de vi sue siwo menya se siawo o la, woase wo, eye woasrɔ̃ ale si woavɔ̃ Yehowa, miafe Mawu la ñkeke ale si mianɔ ñugbedodonyigba la dzi.”

Nyagblɔdji tso Israel fe aglãdzedze ñu

¹⁴ Tete Yehowa gblo na Mose be, “Yeyiɣi si wòle na wò be nàku la dɔ. Yɔ Yosua, miava Agbadɔ la me, eye magblo efe dodeasiwo ne.”

Ale Mose kple Yosua wova tsi tsitre ɔe Yehowa ɲkume.

¹⁵ Yehowa ɔe eɔokui fia wo le lilikpo gã aɔe me le agbaɔ la fe mɔnu, ¹⁶ eye wògblo na Mose be, “Ele na wò be nàku, eye nàyi tɔgbuiwòwo gbo. Le wò ku megbe la, ame siawo ade asi mawu siwo le ɲugbedodonyigba la dzi la subɔsubɔ me. Woanɔm be ale woagblẽ nubabla si mewo kple wo la me. ¹⁷ Ekema nye dɔmedzoe abi ɔe wo ɲu, maɔe asi le wo ɲu, maɔla nye ɲkume ɔe wo, eye matsrɔ wo. Nya sesẽ, dziɲowo adzo ɔe wo dzi, eye woagblo be, ‘Mawu megale mía dome o!’ ¹⁸ Magbugbo le wo yome le wofe nu vɔ siwo wowo to mawu bubuwo subɔsubɔ me la ta.

¹⁹ “Azo la, ɲlo ha sia fe nyawo da ɔi, eye nàfia Israelviwo abe nye nuxlɔame na wo ene. ²⁰ Ne mekplɔ wo va ɔo anyigba si ɲugbe medo na wo tɔgbuiwo dzi, anyigba si dzi ‘notsi kple anyitsi bo ɔo,’ ne wokpo lãme, nuwo nyo na wo, wosubɔ mawu bubuwo, do vlom, gblẽ nye nubabla kpli wo me, ²¹ eye dzogbevɔe gãwo dzo ɔe wo dzi la, ekema ha sia aɔo ɲku nu si he dzogbevɔe va wo dzii la dzi na wo. Ha sia anɔ anyi tso dzidzime yi dzidzime. Menya duko si tɔgbi wonye xoxo, hafi woava ɔo anyigba la dzi gɔ hã.” ²² Ale Mose ɲlo ha la fe nyawo da ɔi, eye wòfia ha la Israelviwo.

²³ Ede dzi fo na Yosua, Nun fe viɲutsu la be, “Sẽ ɲu eye nalé dzi ɔe fo elabena wòe akplo Israelviwo ayi anyigba si ɲugbe medo na wo la dzi, eye nye ɲuto manɔ kpli wò.”

²⁴ Esi Mose wu se siwo katã wonlo ɔe agbalẽ sia me ɲonlo nu la, ²⁵ eɔe gbe na Levitowo, ame siwo koa nubabladaka si me Se Ewoawo

le la be, ²⁶ “Mitsɔ segbalẽ sia da ɔe Yehowa miafe Mawu fe nubablaɔaka la xa, ne wòanye ñkuɔɔdzinu na mi ²⁷ elabena menya miafe tosesẽ kple kɔlialiatɔnyenye. Ne egbe si mele mia gbɔ gɔ hã mienye aglãɔzelawo ɔe Yehowa ñu la, aleke gbege miaganye aglãɔzelawo wu le nye ku megbe? ²⁸ Azɔ la, miyɔ miafe ametsitsiwo kple miafe towo fe kplɔlawo katã fo fu, ale be mate ñu afo nu na wo, eye mayɔ dzifo kple anyigba abe ɔasefowo ene ɔe wo ñu. ²⁹ Menya be le nye ku megbe la, miagblẽ kɔ ɔo na mia ɔokuiwo kenken, eye miade asi le Mawu kple efe seawo ñu. Ale le ñkeke siwo gbɔna me la, dzɔgbevɔe adzɔ ɔe mia dzi, elabena miawɔ nu si Yehowa gbɔ be enye nu vɔ, eye miado dɔmedzoe ne vevie.”

Mose fe hadzidzi

³⁰ Le esia megbe la, Mose gbɔ ha sia me nyawo katã na Israelviwo fe ha blibo la be:

32

- 1 Miɔ to, o, dzifo kple anyigba!
Miɔ to nye nyawo!
- 2 Nye nyawo adza ɔe mia dzi
abe tsi kple zãmu ene,
abe tsidzadza ɔe gbe bɔbɔe dzi ene,
abe gbafe le togbewo ñu ene.
- 3 Maɔe gbefã Yehowa fe gãnyenye
ñutikɔkɔe gã ñuto le enu!
- 4 Eyae nye Agakpe la.
Efe ɔo de blibo

e fe wɔnawo katã nyo, eye wodze.
Mawu wɔa nute fe, eye v̄o mele enu o.

⁵ Ke Israel gblē: nu v̄o blibae.
Meganye Mawu to o.
Ezu duko kolialiatɔ kple dzidzime gogl̄o.

⁶ Nu siae nàwɔ de Yehowa nua?
O! Duko si me abunetowo le.
De menye Mawue nye fofowò oa?
Menye eyae wɔ wò oa?
De meɔo gɔwòme anyi,
hena n̄usē wò oa?

⁷ Do n̄ku gbe aɔe gbe v̄i dzi!
Bia fofowòwo kple amegãxoxowo,
woagblɔ nya sia nya na wò.

⁸ Mawu, dzifov̄ito la, ma xexea me de dukowo
dome
ena mawudɔla deka duko de sia de
be wòanye dzikpɔla n̄e.

⁹ Ke mena mawudɔla aɔeke Israel o,
elabena Israel nye Yehowa n̄uto to!

¹⁰ Yehowa kpɔ eta le gbedadafo
afi si gbemelãwo le xoxl̄om le
eɔee tso lã wɔadãwo fe asi me
abe e fe n̄kuviwoe wònye ene.

¹¹ Ekeke e fe auala de edzi
abe ale si h̄o wɔna na viawo,
kɔa wo de e fe avalã dzi,
abe ale si Yehowa wɔna na viawo ene!

¹² Yehowa deka koe no ekpl̄om
mawu bubu aɔeke mekpe de enu o.

- 13 Etsɔ tonyigba nyonuwo nɛ
 kpe dɛ anyigba sɔsɔɛ nyonuku ɲu
 ena anyitsii tso agakpe me
 amii tso kpenyigba me!
- 14 Ena notsi kple lãe
 agbotsuwo kple gbõ damiwo
 Basantɔwo fe agbotsuwo kple gbõwo,
 Ena bli doku nyuitɔɛ
 Ena wòno wain nyuito.
- 15 Ke sêe ko la, Yesurun dju nu di fo,
 ẽ, ekpɔ lãme, da ami heklã.
 Tete wògbe nu le efe Mawu la gbɔ
 edɛ asi le efe xɔxɔ fe Agakpe la ɲu.
- 16 Edo dɔmedzoe ɲuto dɛ wofe dzromawuwo
 subɔsubɔ ta;
 evã ɲu dɛ efe dukɔ ta.
- 17 Israel sa vɔ na trõwo, siwo menye Mawu o
 mawu siwo womesubɔ kpɔ o,
 mawu siwo meli tsã o
 mawu siwo medzi ɲɔ na mia fofowo o.
- 18 Edɛ ko dɛ le Agakpe si wɔe la ɲu
 ɲlɔ be be Mawue wɔ ye.
- 19 Yehowa kpɔ nu si wɔm Israel le;
 elé fu Israel ɲutoɲuto.
 Via ɲutsuwo kple via nyɔnuwo do vloɛ.
- 20 Eye wògblɔ be, “Magblẽ wò di
 nàkpɔ nu si adzɔ dɛ dziwò dɛ;
 ènye dzidzime si liaa kɔ
 Mawudzixɔse mele mewò o.
- 21 Wona mevã ɲu wofe legbawo ɲuto,
 legba siwo menye mawuwo kura o.

Nye hã mana woavã ñu
duko si menye duko o la.

Mana miado dõmedzoe
de duko si mesea nu gõme o la ñu.

22 Elabena nye dõmedzoe do dzo ađe
si bina dea anyigba fe tume ke.
Ebia anyigba kple efe nukuwo katã,
eye wõtõa dzo towo.

23 “Mali ke dzõgbevõe de edzi
matee kple nye añutro afu anyi.

24 Mana dõwuame, ñudza kple kudo
nana agbe navo le enu.

Matsrõe! Mado lã woadãwo da,
woavuvui kple ađu.

Mado da ađivõ siwo tana la
de wo dome kple ađi siamewo.

25 Futowo fe yiwo le dua godõ,
eye ñodzi alé ame le xo me.

Adzi ño na dekakpuiwo kple detugbiwo,
na vi nonowo kple amegãdeđiwo.

26 Maka efe amewo ahlẽ
ale be ame ađeke magado ñku wo dzi gõ hã
o.

27 Ke mebu enu hekpõ be,
Nye futowo afo adegbe be,
‘Míawo ñuto fe ñusẽe đu Israel dzi;
Menye Yehowae wo esia o!’ ”

28 Israel nye abunɛduko ađe
bometsitsi de nunya le tagbo ne.

29 O! Nunyalawo woanye hafi
anye ne woase nu gõme;

anye ne woanya nu

tso nu si me woḍo tae la ḡu!

30 Aleke wɔ futɔ ɔka pɛ

anya wo dometɔ akpe ɔka

eye futɔ eve ko nanya akpe ewo?

Ne menye wofe Agakpee ɔ asi le wo ḡu,

eye Yehowa ḡutɔe tsrɔ̃ wo o?

31 Ke dukɔ bubuawo fe agakpe

mele abe mɔafe Agakpe la ene o;

gbedododa na wofe mawuwo

nye nu dzodzro ko!

32 Wofe wainkawo nye Sodom wainkawo

eye Gomora gblewo me wotso.

Wofe waintsetse nye aɔi,

eye wo me tsi vena.

33 Wofe wainwo nye da fe aɔiwo

kple fli fe veve.

34 Ke Israel nye dukɔ tɔxɛ;

metre enu abe kpe xɔasiwo ene

ɔe nye nudzraɔfe.

35 Tɔnyee nye hlɔ̃biabia.

Yeyiɣi hena nye tohehe efe futɔwo ɔo

wofe afɔwo ada;

elabena wofe tsɔtsrɔ̃ɣi ɔo!

36 Yehowa axɔ na efe dukɔ,

ne ekpɔ be ḡusɛ vɔ le eḡu.

Ave ame siwo subɔnɛ la nu

ne ekpɔ be wɔna mele wo ḡu o.

37 Ekema Mawu abia be,

Afi ka wofe mawuwo le?

Agakpe siwo wobu abe sitsofe ene ɔe?

- 38 Afi ka mawu siwo wosaa vɔ na
kple lāmi kple wain le azo?
Mina mawu siawo natsi tsitre,
axo na wo!
- 39 Miekpo be nye koe nye Mawu oa?
Mewua ame, eye menaa agbe ame.
Medea abi ame nu, eye mewua abi.
Ame aḍeke mate nu atsi tsitre
Ḍe nu si mewo la nu o.
- 40 Zi ale si wònye nyee
Nye Mawu gbagbe la la,
Meko asi dzi, ḍe adzɔgbe
- 41 be manyre nye yi dadzo la,
Makpo be dzɔdzɔenyenye xo afe.
Mabia hlɔ nye futowo
ahe to na ame siwo lé fum.
- 42 Wofe vu atsyɔ le aɲutrɔ nu
nye yi awu ame siwo katã tso ḍe nɲunye.
Nyemakpo nublanui na ame siwo wɔa ava kplim
o;
abixɔlawo kple gamenɔlawo gɔ hã aku.
- 43 Dukowo, mikafu Yehowa fe amewo,
ehea to na efe amewo wulawo;
ebiaa hlɔ efe futowo
etsɔa nu vɔ kea efe amewo.
- 44 Mose kple Yosua, Nun fe viɲutsu la, gblɔ ha
sia me nyawo ale be Israelviwo nate nu ase wo.
- 45 Esi Mose wu Mawu fe sawo fiafia Israel dukɔ
blibo la nu vɔ la, 46 egblɔ na wo be, “Mide nɲugble
le se siwo katã mede na mi egbe la nɲuti, eye
miade wo asi na mia viwo. 47 Se siawo menye

nya fufluwo ko o. Woawoe nye miafe agbe! Ne miewo ɔe se siawo dzi la, mianɔ agbe didi, eye nuwo adze edzi na mi nyuie le anyigba si xo ge mieyina le Yodan tosisisi la godo la dzi.”

Mose ku ɔe Nebo to dzi

⁴⁸ Yehowa gbɔ na Mose gbe ma gbe ke be,
⁴⁹ “Yi Nebo to la dzi le Abarim towo dome le Moabnyigba dzi le Yeriko kasa. Yi to la tame ke, eye nàkpɔ Kanaanyigba la, anyigba si mele tsotsom na Israelviwo la ɔa. ⁵⁰ Ne èkpɔ anyigba la ɔa la, ele na wò be nàku, eye nàyi togbuiwòwo gbɔ abe ale si nɔviwò Aron ku le Hor to la dzi, eye wòyi togbuiawo gbɔe ene, ⁵¹ esi nèklo bubu le nɔnye le Israelviwo dome le Meriba Kades le Zin gbedzi la ta. ⁵² Àkpɔ anyigba si mele tsotsom na Israelviwo la ɔa tso adzoge, gake màde anyigba la dzi o.”

33

Mose yra Israel fe toawo

¹ Esiawoe nye nya siwo Mose, Mawu fe ame la tso yra Israelviwo hafi ku:

² “Yehowa va mía gbɔ

le Sinai to la gbɔ;

edidi ɔe mía dzi

tso Seir to la dzi.

Eklẽ tso Paran to la dzi

ame kòkòe akpe nanewo fo xlãe,

dzo bibi nɔ efe nuɔsime.

³ Elõ efe amewo nɔto

efe ame kòkòewo le efe asi me

wole wò afotofe tom

woxo wofe ɔɔɔowo tso gbowò.

4 Wò se siwo mede na wo la,
esiwo nye Yakob ha la fe domenyinu.

5 Yehowa zu fia le Yesurun
esime Israel fe towo kpe ta.

6 “Ruben anɔ agbe tegbee
efe dzidzimeviwo asɔ gbo!”

7 Eye Mose gblɔ tso Yuda ɲu be:
“O! Yehowa, se Yuda fe kokofofo,
na wòawɔ ɔka kple Israel
wɔ awa kple efe futowo nɛ.”

8 Mose gblɔ tso Levi fe viwo ɲu be:
“Tso wò Urim kple Tumim
na wò ame kɔkɔe Levi.
Èdo Levi kpɔ le Masa;
nèwɔ dzre kplii le Meriba tsia gbo.

9 Ewɔ wò ɔɔɔowo dzi,
ewu nu vɔ wɔla gedewo,
eya ɲutɔ fe viwo, nɔvinutsuwo,
fofowo kple dadawo gɔ hã.

10 Levitowo afia Mose fe sawo Israel
woasubɔ wò le dzudzɔdovɔsamlekpui
kple numevɔsamlekpui la dzi.

11 O! Yehowa, yra Levitowo
kpɔ ɲudzedze le wofe ɔɔ
siwo wowɔna na wò la ɲu.
Fiti wofe futowo gbidighidi
na womagafɔ gbede o.”

12 Mose gblɔ tso Benyamin ɲu be,
“Yehowa fe lolɔtɔe wònye
ele dedie le egbo
Yehowa tso ametakpɔkpɔ fo xlãe,

ɖeɛ tso dzogbevõe ɖe sia ɖe me.”

- 13 Mose gblɔ tso Yosef fe to la ɲu be,
 “Yehowa nayra efe anyigba
 kple nunana nyuitowo tso dzifo
 kple esiwo tso anyigba fe tume.
- 14 Yehowa nayrae kple nuku nyuitowo
 tso esiwo xe nana wotsina la dome
 wòana nuwoe fũu xleti sia xleti
- 15 nuku siwo wɔna nyuie le towo dzi
 kple esiwo wɔna nyuie le togbewo dzi,
- 16 Yehowa nayrae kple nunana nyuitowo
 kple anyigbadzinu gedewo,
 kpakple Mawu, ame si ɖe edokui fia
 le ɲuve fe bibi me la fe amenuveve.
 Yayra siawo katã nava Yosef dzi.
 Ame si nye fiavi le noviawo dome.
- 17 Ele abe nyitsuvi ene
 Le ɲusẽ kple ɖekadzedze me.
 Eto dzo abe to fe dzowo ene;
 Wòawo wòatsɔ tu dukowo afu anyi le afi sia
 afi.
 Esiae nye nye yayra na Efraim fe ame akpe
 nanewo
 kple Manase to akpe akpewo.”
- 18 Mose gblɔ tso Zebulon ɲu be,
 “O! Zebulon, tso aseye
 le wò gododo ɲuti,
 eye Isaka, kpɔ dzidzɔ
 wò ame si lãa agbadomenɔɔ.
- 19 Woawoe akpe amewo
 be woadu yewofe vɔsanuwo kple yewo.
 Kpɔ ɖa, woadu atsiafumenu nyuiwo
 kple nu nyuitowo tso anyigba me.”

- 20 Mose gblɔ tso Gad ɲu be,
 “Woayra Gad fe kpedeɲutowo,
 Gad tsyɔ akɔ anyi abe dzata ene
 be yeavuvu abɔ kple ta.
- 21 Wotsɔ anyigba fe nyuifewo
 na wo ɖokuiwo;
 wotsɔ kplɔla fe ɖufewo na wo.
 Wowɔ Yehowa fe sewo kple ɖoɖowo dzi.”
- 22 Mose gblɔ tso Dan ɲu be,
 “Dan le abe dzatavi
 si le kpo tim tso Basan ene.”
- 23 Egblo tso Naftali ɲu be:
 “O! Naftali, Yehowa yra wò ɲuto.
 Wò anyigba ɖo anyigbeme
 tso Galilea fu la nu.”
- 24 Mose gblɔ tso Asar ɲu be:
 “Woayra Aser wu to bubuawo katã;
 wokpɔ ɲudzedze le eɲu wu noviawo,
 amiti geɖewo amie na wò.
- 25 Woatsɔ gayibɔ kple akɔbli atu wò du fe
 agbowoe
 àkpɔ ɲusẽ le wò ɲkekewo katã me!
- 26 Ame aɖeke mede Yehowa,
 Yesurun fe Mawu la nu o.
 Edidina tso dzifo
 Le fianyenye kple ɲutikokɔe me
 be yeaxɔ na wò.
- 27 Mawu mavɔ lae nye wò sitsofe,
 efe abɔ mavɔ la le anyigba te.
 Enyaa wò futɔwo ɖa le ɲɔwò
 eyae gblɔ na mi be,
 ‘Mitsrɔ wo!’
- 28 Ale Israel nɔa anyi dedie;

le anyigba si dzi bli kple wain bo do,
 eye tsi dzana tso dzifo do.
 29 Woayra wò, Israel, ñutonuto!
 Ame bubu kae gakpo dede
 tso Yehowa gbo?
 Wò akpoxonu kple kpedenutœ!
 Eyae nye wò yi daḍe la.
 Wò futowo ade ta agu le ngowo
 eye nànya avuzi le wo dzi!"

34

Mose fe ku kple edidi

1 Mose lia Nebo to la tso Moab tagba la le Yeriko kasa, eye wòyi Pisga to la tame. Yehowa na wòkpò Ñugbedodonyigba la tso afi ma, tso Gilead va se de Dan.

2 Yehowa gblò na Mose be, "Kpo Naftali, Efraim kple Manase da le afii; kpo Yuda da, ekeke tso afi me yi datò Domefu la. 3 Kpo Negeb kple Yodan fe balime kple Yeriko, du si me detiwo bo do kple Zoar da.

4 "Esiae nye ñugbedodonyigba la. Medo ñugbe na Abraham, Isak kple Yakob be matsœ ana wofe dzidzimeviwo. Azò la, èkpœ, gake maḍo afo edzi o."

5 Ale Mose, Yehowa fe dola la ku le Moabnyigba dzi abe ale si Yehowa gblœ do ngò ene. 6 Yehowa dijii de Moabnyigba dzi, le balime si dze ngò Bet Peor, gake va se de egbe la, ame aḍeke menya afi si yodo la le o.

7 Mose xò fe alafa deka kple blaevè hafi ku, gake efe ñkuwo gakpoa nu nyuie, eye ñusẽ nò

enɔ. ⁸ Israelviwo fae ŋkeke blaetõ le Moab tagba la va se de esime funyiŋkekeawo wu nu.

⁹ Nunya fe gbogbo yɔ Yosua, Nun fe viŋutsu me, elabena Mose da efe asiwo de edzi, eya ta Israelviwo do toe, eye wowo de se siwo katã Yehowa de na wo to Mose dzi la dzi.

¹⁰ Ke tso xe ma xi la, nyagbloɖila aɖeke megano anyi kpɔ le Israel abe Mose ene o, elabena Yehowa fo nu kpɔlii ŋkume kple ŋkume, ¹¹ eye wòwɔ dzesi kple nukunu siwo katã Yehowa doe da be wɔawɔ le Egiptenyigba dzi na Farao, na efe subɔlawo katã kple dukɔ blibo la, ¹² elabena ame aɖeke meɖe ŋusẽ triako sia fia alo wɔ nu dziŋɔ siwo Mose wɔ le Israel blibo la ŋkume kpɔ o.

**Biblica® Se aḑeke mebla Biblia zazã o
Agbenya La™**

**Éwé: Biblica® Se aḑeke mebla Biblia zazã o Agbenya
La™ (Bible) of Ghana**

copyright © 2020 Biblica, Inc.

Language: eʋegbe

Contributor: Biblica, Inc.

Biblica® Open Ewe Contemporary Scriptures™

Copyright © 1988, 2006, 2020 by Biblica, Inc.

“Biblica” is a trademark registered in the United States Patent and Trademark Office by Biblica, Inc. Used with permission.

All content on open.bible is made available under a Creative Commons Attribution-ShareAlike 4.0 License (<http://creativecommons.org/licenses/by-sa/4.0/>).

You are free to:

- Share — copy and redistribute the material in any medium or format
- Adapt — remix, transform, and build upon the material for any purpose, even commercially

Under the following conditions:

Attribution — You must attribute the work as follows: “Original work available for free at www.biblica.com and open.bible” Attribution statements in derivative works should not in any way suggest that we endorse you or your use of this work.

ShareAlike — If you remix, transform, or build upon the material, you must distribute your contributions under the same license as the original.

Use of trademarks: Biblica® is a trademark registered in the United States Patent and Trademark Office by Biblica, Inc. and may not be included on any derivative works. Unaltered content from open.bible must include the Biblica® trademark when distributed to others. If you alter the content in any way, you must remove the Biblica® trademark before distributing your work.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2021-11-15

PDF generated using Haiola and XeLaTeX on 21 Feb 2024 from source files dated 29 Jan 2022

357b3e5f-5b9b-5166-bad7-01aa010d5029